

玉海

地理

十九之二十

漢書門		二九八	類
五八冊	五架	九三函	號

庫文閣內		漢書
五八冊	五八〇	類
五架	九三函	號

內閣文庫		
番號	漢	2980
冊數	58	(9)
函號	366	15

九



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





玉海卷第

地理

州鎮

漢八鎮



後漢書地理志



揚雄傳校獵賦戲八鎮而開關注應劭曰四方四隅為八鎮如淳曰不言九者一鎮在中天子居之故也

三國重鎮

通典魏氏有州十二有郡國六十八東自廣陵壽春合肥沔口西陽襄陽重兵以備吳西自隴西南安祈

山漢陽陳倉重兵以備蜀蜀置益梁二州有郡二十
二以漢中興勢於今洋白帝為重鎮吳置交廣荆郢揚
五州有郡四十三以建平今巴西陵樂鄉南部巴丘
夏口武昌皖城牛渚圻今采濡須塢為重鎮其後得
沔口邾城廣陵常城赤萬烏兵年陸遜東晉以合肥淮
陰壽陽泗口角城為重鎮泗口遷縣界鎮守今淮陰中置
亦在宿遷界上明大抵上明江陵夏口武昌合肥壽
陽淮陰常為晉氏鎮守晉帝東晉帝之守益肥事之然西南
鄭襄陽垂瓠彭城歷城東陽皆為宋藩扞齊南鄭襄陽
襄陽義陽壽春淮陽角城漣口朐山為重鎮梁

下澁戍夏口白苟堆破石城合州肥合鍾離淮陰朐
山為重鎮諸葛亮傳荆州北據漢沔利盡南海東
連吳會西通巴蜀此用武之國益州險塞沃野千里
天府之士高祖因之以成帝業若跨有荆益保其巖
阻命一上將將荆州之軍以向宛洛身率益州之眾
出於秦川周瑜傳得蜀而并張魯因留奮威固守
其地據襄陽以躡操北方可圖也魏王基傳孫權
再至合肥一至江夏其後全琮出廬江朱然寇襄陽
皆無功而還宋志三國鼎峙吳得揚荆交三州蜀
得益州魏氏猶得九焉吳又分交為廣魏末平蜀又

分益為梁。宋何承天曰：曹孫之霸，才均智侔。江淮之間，不居者數百里。魏捨合肥，退保新城。吳城江陵，移入南岸。濡須之戍，家停羨溪。及襄陽之屯，民居星散。晉宣王謂：宜徙沔南，以實水北。曹爽不用，果亡沮中。胡氏曰：當孫氏時，上流欲爭襄陽而不得，故以良將守南郡與夷陵。下流欲爭淮南而不得，故以大衆築東興與皖口。中流欲爭安陸而不得，故以三萬勁卒戍邾城。洪邁曰：自荆襄訖丹陽，皆晉所經畧。為荊州者，必都督八州。為南徐者，必加督兗豫。事力雖盛，兵將相習。一州有缺，非中外宿望，不輕得處。陶

侃桓沖為荊州。溫峴、庾亮為江州，皆終其身不也。故能以再造之國而屹然與北方爭雄。

吳十鎮

元和郡縣志：吳黃武元年，陸遜大破蜀於夷陵。遂攻夷陵為西陵。陸抗曰：西陵國之西門，雖易得亦易失。如有不虞，當傾家爭之。即此處也。謹按孫氏自是後，自黃武初破蜀先主後得之。天紀四年，晉軍流來伐，守將吳意請增兵，不從。即今巴東郡也。建安二十四年，因蜀將關羽北討，魏將于禁等于襄陽。遂為宜都守鎮。此黃武初蜀來伐，遂大破之。後步

陸抗並鎮焉。即今夷陵郡也。吳建衡三年，陸抗所築
赤鄉城，後朱然修之，成焉。晉王濬攻樂鄉，獲水軍督
陸景平西將軍施洪，以城降。在江陵郡松滋縣東。自
建安末，剋關羽，後蜀糜芳來降，遂得之。鳳凰元年，將
張咸、天紀、末伍延並守之。晉軍平吳，杜元凱赴於此。
即今江陵郡也。建安十九年，魯肅、竇嘉元年，萬彧並
鎮守。即今巴陵郡也。建安十三年，孫權征黃祖，剋之。
後將軍胡奮赴於此。即今江夏郡也。甘露元年，城武
昌、陸遜、諸葛恪、滕牧皆鎮守。及晉平吳，將軍王戎赴
此。即今江夏郡也。建安十九年，權征皖，患剋之，赤烏

年，諸葛恪屯此。即今同安郡也。天紀末，何植鎮守。
晉平吳，大將王渾赴於此。即今宣城郡當塗縣採石
也。建安十七年，築塢，後曹公頻來攻，不剋。今在歷陽
縣西南八十里。右十鎮並為重鎮。陸抗傳：永安二
年，都督西陵建衡二年，都督信陵西陵夷道樂鄉公
安諸軍事，治樂鄉。西陵建平國之蕃表。既處下流，受
敵二境，若敵汎舟順流，舳舻千里，星奔電邁，俄然行
至，非可恃援他部以救倒垂也。周瑜傳出備牛渚
屯據江陵。

晉氏南遷，以揚州為京畿，穀帛所資皆出焉。以荆江

為重鎮甲兵所聚盡在焉三州戶口居江南之半

庾翼傳八年春上表請據樂鄉廣農種穀以伺二寇

之繫南史荆揚二州戶口居江南之半江左以來

揚州為根本委荊州以閭外

晉江東鎮戍

庾翼傳王述歷庾水征虜長史時庾翼鎮武昌欲移鎮

述與庾水牋曰安西欲移鎮樂鄉彼去武昌千有餘

里數萬之眾造創移徙興立城壁公私勞擾又江州

當派流數千供繼軍府力役增倍且武昌實是江東

鎮戍之中非但扞禦上派而已急緩赴告駿奔不難

若移樂鄉遠在西陸一朝江渚有虞不相接救方勢

重將當居要害之地為内外形勢使關闔之心不知

所向翼遂不移鎮桓沖欲移阻江南上疏曰自中

興以來荊州所鎮隨宜迴轉温經畧中原因江陵路

便即而鎮之事與時遷勢無常定今宜全重江南輕

戍江北於是移鎮上明蔡謨成帝時庾亮以石勒

新死欲移鎮石城為滅賊之漸事下公卿謨議曰沔

水之險不及大江大江不能禦蘇峻而以沔水禦季

龍以我所短擊彼所長懼非廟勝之策亮不果移鎮

庾亮上疏曰襄陽北接宛許南阻漢水其險是固

其土足食臣宜移鎮襄陽之石城遣諸軍羅布江沔
比及數年戎士習練乘釁齊進以臨河洛 庾翼欲
率衆北伐上疎移鎮安陸至夏口復上表曰襄陽荆
楚之舊西接益梁與關隴指斥比去洛河不盈千里
土沃田良方城險峻水路派通轉運無滯進可以掃
盪秦趙退可以保據上派輒量宜入沔徒鎮襄陽
陶侃以江陵偏遠移鎮巴陵詔都督江州因移鎮武
昌遂平襄陽議者以武昌北岸有郛城宜分兵鎮之
侃曰我所以設險而禦寇正以長江耳郛城隔在江
北內無所倚外接群夷必引寇虜且吳時此城乃三

萬兵守今縱有兵守之亦無益於江南 何充曰
楚國之西門戶口百萬北帶疆胡西隣勁蜀經畧險
阻周旋萬里得曠則中原可定勢弱則社稷同憂
褚裒假節鎮京口即日戒嚴直指泗口率衆三萬徑
進彭城 溫嶠為江州刺史鎮武昌陳豫章十郡之
要宜以刺史居之尋陽濱江都督應鎮其地今以州
帖府進退不便且古鎮將多不領州皆以文武形勢
不同故也宜遣單于刺史別撫豫章專理黎庶詔不
許 王羲之論時事曰願令殷浩荀羨還據合肥廣
陵許昌譙郡梁彭城諸軍比皆保淮為不可勝之基

漢報立勢舉謀之六監

元魏六監

見城類

魏蘭說

改鎮立州分置郡縣崇泰

聞不報

見於史者懷

沃野武川懷朔高平薄骨

律通與靈州懷遠漢

平縣也後置六鎮三成在

此縣界北

此史正光五

十八月丙申改鎮為州太

和十八年八月丁未幸恆

朔武川撫冥柔元等四鎮

通典又有御夷鎮

六鎮並在今馬邑雲中單于界

正始中原思禮以跋野置鎮居南與六鎮不齊更立

三成亦在馬邑等郡界

唐河曲六州

漢傳求六州降戶初突厥內屬者分處豐勝靈夏

朔代間謂之河曲六州降人納言姚璿等建請與之

紀正觀三年是歲中國人歸自塞外及關四夷為

州縣者百二十餘萬人六年是歲諸羌內屬者三十萬人

唐四鎮

漢傳太宗以阿史那社尒為崑丘道大總管率安西

都護郭孝恪等討之執焉耆王阿那支龜茲人怨社尒

破三十六城諭降小城七百餘西域震懼初孝恪之擊焉

耆也龜茲有浮屠善數歎曰唐家終有西域不數年亡

國亦亡帝受俘紫微殿正觀二年徙安西都護於其都統
 于闐碎葉疏勒號四鎮儀鳳時吐蕃攻焉耆以西四鎮
 皆沒武德元年四月二十二日長壽元年吐蕃破焉耆
 德管王孝傑破吐蕃復四鎮地置安西都護府於龜茲
 十一月以兵三萬鎮守於是沙磧荒絕民供其糧苦甚議
 者請棄之武后不聽吐蕃傳議者請廢四鎮勿有
 也右史崔融獻議曰太宗踐漢舊跡並南山於葱嶺
 剖裂府鎮煙火相望吐蕃不敢內侮高宗時棄四鎮
 不能育而吐蕃遂張入焉耆之西今孝傑一舉而取
 四鎮還先帝舊封若又棄之是自毀成功也四鎮

守胡兵必臨西域西域震別威憚南羌南羌連衛河
 西必危議乃格咸亨元年入殘羈縻十八州率千闐
 取龜茲撥換城於是安西四鎮並廢狄仁傑傳時
 發兵戍疏勒四鎮仁傑諫曰右戍四鎮左屯安東轉
 輸不絕若捐四鎮肥中國者軍費於遠方并甲兵於
 要塞邊州之費亦不納郭元振傳武后時吐蕃
 大將論欽陵請罷四鎮兵拔十姓之地元振上疏曰
 以策緩之神龜中以御史呂守素處置四鎮焉耆
 傳長安時以過使客不堪其勞詔四鎮無使禁止
 開元七年十姓可汗請居碎葉安西節度使湯嘉惠

議復河湟四鎮十八州以給事中劉濛為循邊使
通典鎮西節度使統龜茲焉耆于闐疏勒國

唐節度

會要景雲二年四月賀拔延嗣除涼州都督充河西
節度自此始有節度之號通監景雲元年以幽州
鎮守經畧節度大使薛訥為左武衛大將軍兼幽州
都督節度使之名自此始通鑑十道節度三十一節度

宋朝節度

節度

州

州名

鎮東

紹興

會稽

東粵稽山

鎮南	隆興	豫章	洪都南昌洪井
鎮江	潤	丹陽	京口南徐朱方
鎮西	麟	新秦	銀城麟府麟城
鎮安	陳	淮寧	淮陽宛丘
鎮潼	華	華陰	桃塞潼關
鎮洮	熙	臨洮	洮河他道
鎮寧	潭	潭淵	潭水北輔
鎮海	青	北海	營丘青社
安德	閩	閩中	閩水巴江閩川
安遠	德安	安陸	鄖國濱水

二万五元

二五元

安化 密 高密 東武 元祐三年改臨海軍

安武 翼 信都 中翼 翼方 邢臺 襄國

安國 邢 信德 鉅鹿 鄆城 龍舒 宛城

安慶 安慶 同安 嚴陵 嚴瀨 舊曰建德軍

遂安 嚴 新定 劍門 陰平 劍水

普安 隆慶 劍 普安 茗水 茗川 雲川

昭慶 安吉 吳興 清陽 洵水 洵陽 清水 洵城

昭化 金 安康 漢陰 媽水 洵陽 清水 洵城

昭信 贛 南康 贛川 章貢 潞國 壺關 靖國元年改 隆德府

德 潞 上黨 潞國 壺關

武安 潭 長沙 星沙 昭潭 夏汭 鄆渚

武昌 鄂 江夏 鄭鄉 鄭城 均陽

武當 均 武當 蓬溪

武信 遂寧 遂寧 駱谷 泮水 興勢

武康 洋 洋川 彭江 彭水 黔江

武泰 紹慶 黔中 滑臺 本名義成

武成 滑 靈河

武勝 鄧 南陽 徐方 徐上 西楚

武寧 徐 彭城 閩山 七閩

威武 福 長樂

雄武 秦

天水

成紀 秦川 函秦

保康

房

房陵

上庸 防渚 庸郡

保信 廬

廬江

淝水 合肥

保寧 婺

東陽

金華 星婺

保靜 宿

符離

保大 郟

洛交

郟 時郟 城洛川

保平 陝

陝

陝 津 芳 津 召 南

保順 洮

臨洮

洮 河 洮 陽 洮 水

保慶 拱

襄邑

東輔 拱輔

保成 府

建炎元年改

府 谷 舊曰永安軍

寧武

利

益川

昌 綿 谷 茂 嘉 川 利 川

寧江 夔

雲安

巴東 夔 國

寧遠 容

普寧

容 管 容 江

寧國 宣

宣城

宛陵

寧海 臨安

餘杭

武林 錢唐

奉寧 鄭

滎陽

新鄭 圃田 滎 澤

泰寧 充 護

魯郡

曲阜 嶧 陽

興寧 寧

彭原

寧陽 北 地

慶

慶遠 宜

龍水

宜 城 宜 水 宜 陽

慶陽 慶

安化

志正 壽春 壽陽

下蒸

靜海 瓊山

瓊管

靜江 始安

桂林灘 水桂莞桂部八桂

靜難 新平

邠邠邠 不函原

永興 京兆 長安

清遠 駘 融水

至融

青海 廣 南海

番禺 于海

彰武 延安 延安

延水 延水

彰化 涇 安定

涇陽 涇水

彰信 興仁曹 濟陰

曹南

彰德 相 鄴郡

安陽相臺鄴都 雄臺

奉國 明 奉化

鄆水甬東鄆川 鄆山

護國 河中 河東

蒲津蒲關中條

順昌 潁 汝陰

汝水潁陰

陸海 汝 臨汝

襄城

橫海 滄 景城

景井

廣海 河間 瀛

景井

臨海 密 見上

見上

常德 常德 武陵

涇水

感德 耀 華原

涇水

成德

真定

常山

興德

齊

濟南

臨舊營丘

嚮德

滎樂州

滎水邈川

賓德

鄆

西平

西寧州

宣德

嘉興

秀

攜李

嘉禾禾興秀水

崇信

隨

漢東

隨陽隨國

河東

太原

晉陽

大鹵并門參墟

河陽之城

孟

濟源

孟津踐土河橋

淮南

揚

廣陵

一都南兗淮海

淮康

蔡

汝南

蔡

山南東

襄陽

襄陽

峴首南雍左峴

山南西

興元

漢中

南鄭漢川

光山

光

弋陽

浮光 一曰寧淮軍

劍南東川

潼川

梓潼

梓潼

劍南西川

成都

蜀郡

華陽

瀘川

瀘

瀘川

綿水江陽

荆南

江陵

南郡

荆渚郢都

岳陽

岳

巴陵

羅水 始興中改革容後復

鳳翔

鳳翔

扶風

右輔好畤岐陽

境外

王海卷六

十五

節度州郡名

朔方 靈武 靈武 河西 涼 武威

振武 朔 馬邑 盧龍 幽 范陽

永清 燕山 威行 涿 涿水

鎮遠 檀 漁陽 撫寧 平 遼西

昌化 謹 威塞 新 河東路

歸義 沙 焯煌 彰國 應 金城

歸化 瓜 平昌 定難 夏 朔方

天德 豐 九原 大同 雲 雲中

懷遠 琳 靜海 安南都護

元初除節度使必先歷境外

節鎮詩括

京東八 營丘鎮海青高密安化名元祐中濟南為

興德曲阜曰泰寧保慶古襄邑武寧昔彭城濟陰號

彰信東平惟天平

京西十四 山南襄陽鎮崇信漢東鄉陸海乃臨汝

武勝實南陽三城為踐土忠武今潁昌滑陽號昭化

房陵名保康靈河曰武成鄭鄉曰武當鎮安宛丘城

淮康汝南邦奉寧滎陽地順昌潁河疆

陝西十九 京兆為永興扶風名鳳翔焉翽號定國

陝津名保平護國河中郡彰武延安屯雄武天水秦

靜難新平邠保大古邕時鎮潼今華陰感德華原耀

彰化安定涇安化曰慶陽彭原曰興寧鎮洗熙河城

保順洗陽城平涼清水郡賓德鄯州垠邈川為嚮德

十九郡星分

河東五 河東晉陽城建雄平陽國新秦名鎮西上

黨維昭德永安改保成其地在府谷

河北十 定武為中山鎮寧乃澶淵安武信都冀橫

海景城垣鉅鹿曰安國藥城名慶源河間號瀛海黎

平川彰德安陽郡成德常山邊名天雄軍建

餘杭寧海鎮東粵鎮東區吳郡平為號丹

勇鎮作都兵興昭慶望新定遂安居嘉興檇李城幸

國四明隅東陽保寧節九鎮列輿圖溫州政和中并

江東西五 金陵陪京為建康九江尋陽為定江宣

城寧國贛昭信鎮南洪都古豫章

淮東西七 廣陵為淮南亳都名集慶弋陽號光山

壽春下蔡西厥鎮名忠正

福建三 威武長樂今閩山建陽建陽平海泉

三七九

四川十四 成都梓部劍西東山南西道古漢中遠
 寧始建武信號江陽自與瀘川通武康寧江洋變城
 安德武泰閬黔中寧武益昌綿谷阻普安劍門潛藩
 雄南平古渝曰重慶捷為唐安嘉與崇燥三年瀘
 廣南九 番禺號清海桂林為靜江慶遠龍水鎮肇
 慶端溪邦建武維邕管永慶維晉康寧遠容江域靜
 海瓊山疆融水名清遠九鎮列南荒
 湖南北六 長沙號武安江陵為荆南武昌鄂渚鎮
 常德武陵源岳陽巴陵郡安遠安陸鄧
 見格節鎮自成德以下凡六十七小鎮自昭德以下凡二十五

文臣建節二砂和七年 時六
 留後為承
 不帶持

中興後宰相特拜者

呂頤浩鎮南開府 趙鼎檢校少傅 張浚崇信

趙鼎檢校少傅 虞允文保少

史浩檢校少傅 趙葵保少 喬行簡保少

趙鼎檢校少傅 趙葵保少 喬行簡保少

趙葵保少 趙葵保少 喬行簡保少

兩鎮

元豐三年文彥博河東 治平四年韓琦鎮

紹興八年呂頤浩鎮南 三八皆辭不拜

傳元祐五年再辭國山紹定六年史彌遠

以兩鎮致仕保寧

宰相建節自趙普之後不輕授始於天聖初

宗室

兩鎮

熙寧初允弼允良慶元初伯圭

武臣

兩鎮建炎三年

韓世忠武勝

張俊

岳飛

劉光世

中吳璘 呂文德

三鎮

韓世忠

安鎮南武

張俊

武靜江寧

劉光世

樞密使領節度曹彬

忠武

知密院加節度張浚

定國

帶節鉞致仕

富弼

文彥博

呂頤浩

舊制奉朝請必改他官

向拱為深備至明道中錢惟演始以保大節為景

靈官使治平中李端愿以武康節為醴泉使

舊制以移鎮為恩寵今一定而不易

廉直造授節鉞 紹興十年劉錡順昌之功 三十一年

李寶膠西之捷 紹興五年郭果扈衛之勞

節度大使景祐二年荆王元儼荆南淮南澧州

在鎮者云朝大 紹興八年趙鼎忠武改奉國 淳熙十六年

潛藩不除 紹興八年趙鼎忠武改奉國 淳熙十六年

郭師禹與德改保大 代邸 路宮 西亭 唐

潛藩 舟陵若水之舊 魏文譙邑之遊 勅啓聖之圖

氏首陽之制 堯建丹陵之地 漢之南陽之郡

之館 唐上黨之郡 同慶

實受 順應 無虞

西界浙河東奄左海 左江右湖 根柢萬壽

古京花 郡國之首 四方觀政 輦轂先彈壓

京邑翼翼四方是則 天子千里之畿 京師諸夏

之本 控吳越帶江山 統千里之封 畿冠四方之

岳牧 鉦箭弗設 桴鼓希鳴 前代尹京多用經

術之士 居百郡之首 翼翼為極 象日之封

乾道七年皇太子領尹制曰 考南衙之故 實新

大尹之多儀 紹興六年 三願浩少保浙西大使

兼臨安一海熙三使兼侍... 紹定三年未敵以

資政湖西安撫制置使兼臨安

平江 許清木軍都統制

三吳奧區地迫都輦。姑蘇奧壤任切關河。吳

有三江之阻。吳門介藩枕江連海。曉惟中吳

密拱行關旁連湖海外控江淮。據要衝於海道

為屏蔽於京畿。鯨波萬里鷁首千艘。唐王仲

舒政成為天下守之最。隄松江路。范仲淹為守。

紹興二年仇愈為沿海制置使置司平江之許

鎮兼領福建兩浙淮東諸路十年平江守梁汝

嘉兼湖而公海制置使。紹興末湖西副總管李
寶以膠西之捷為靖海節度湖西通泰海州沿海
制置使

鎮江都統制

丹陽 北固 晉南徐州 北府 宋方 京口

兵可用 外控大江內護行關 西瓜步北廣陵

晉為重鎮 東通吳會南接江湖 控江派之

會西接漢河比距淮泗 因山為壘緣江為境

浙西門戶 長江千里險過金湯 內蔽日畿莫

重南徐之鎮外連天塹尤雄北府之兵 北固名

邦近畿輿壤 瞻北固之地雄控長江之天險
 瞻京口金湯之固接石頭形勢之雄 晉祖逃居
 京口懷振復之志渡江中流擊楫誓清中原 褚
 裒都督徐元假節鎮京口除征討大都督徑進彭
 城 謝安督徐元 唐韓滉以舟師由海門大閱
 至申浦 李德裕 范仲淹為守 建炎三年資
 政大學士呂頤浩為江浙制置使兼守鎮江 其
 後周望張俊韓世忠劉錡皆為制置使 建炎四
 年劉光世為浙西安撫大使兼守 嘉熙三年吳
 潛為浙西制置使

經 六撫七州 浙東

會稽 東粵 禹會 於越 中興馮翊今之豐
 沛提封七州兵籍賦貢莫不兼總 襟海帶江為
 東南都會 千岩萬壑 山川之美 禹穴神臯
 地埒分陔 今之會稽昔之關中 西界瀾河東
 奄左海 會稽鉅鎮東越奧區 武帝賜嚴助書
 會稽東接於海南近諸越北枕大江 顛奉三年
 計最 嚴朱守會稽 劉寵 萬壑千岩俱護鬱葱
 之氣右扶左翊密陪衆大之都 趙抃范仲淹趙
 鼎為守 趙鼎檢校少傅奉國節為大使 史志以

君陳命汝尹茲東郊 今德孝恭 茲率履常惟
 民其乂 命畢公保釐東郊 澤潤生民惟既
 心謹厥事 微子之命庸建爾于上 公尹茲東夏
 往敷乃訓 謹乃服命 率由典常 以蕃王室 律乃有
 民 永綏厥位 萬邦作式 王命仲山甫 城彼東方
 式遘其歸 賦政于外 四方爰發 賜履東至于海
 五侯九伯 女實征之 夾輔周室 自陝而東 周
 公主之自陝而西 召公主之 畢公分東郊 申
 伯式南國 召伯勲南國而教 明皇公釐東郊而

道治皆藉大臣之望 用形九牧之風 十國為之
 千里曰甸 名聯侍從之列 身寄斗牛之間 如
 周洛師 如漢馮翊 謀帥加重 異乎他邦 摠帥七
 州 提封八縣

慶元 公海制置使 紹興初置

東至于勤 甬東 鄞水川 東漸巨海 東南要
 會 海澄萬里之波 藩屏王畿 控制海道 以
 表東海 肅清海道 陟高迹至于海表 揚會
 稽之東 枕山臂江 負溟渤 控扶桑 密拱吳會
 隄控瀚海 宏開四履 遠控三韓 有蛟門虎窟

天設之險 廼睽郵江近扼海道 欲杜股肱之
 郡必求方面之材威望聳則風駭浪船之無虞恩
 信者則椎結卉裳之來慕 天設海門之險雲屯
 水戰之師 瀚海澄波京師象福 東海之得為
 歸 滄瀟控滇渤之衝 漢東粵傳上遣橫海將
 軍韓說出句章浮海從東方往 紹興三年以本
 軍都指揮使武泰節度郭仲荀為守兼制置使
 軍職加檢校少保 十年仇愈兼公海制置使隆興
 元年子瀟兼 范成大為制使上曰付卿以海道

建康 安撫九郡留守公江制垣都統制 元

金陵 秣陵 陪京都 建業 帝王州 長

天塹 鍾山龍蟠石頭虎踞 一土者之宅吳以

經營四方以為根本 黃旗紫蓋常見東南

山帶江 舊為帝里 天塹當十萬之師 北

中原 九州天險 六代帝都 西陵至江都俱

風寒之護建鄴控天塹 嚴王氣之占 管籥

麟符之寄藩籬張虎踞之雄 瞻金陵之畫

天塹以建都 紫蓋黃旗接帝城之葱鬱玉符

鑰闕輦路之森嚴 虎器之邦 龍韜之畧

建康 金陵 秣陵 陪京都 建業 帝王州 長

臺蕭何以信謹守管籥 刺屬任關中事
 蕭何於關中無西顧憂 委以別京之重
 留之任 守宮鑰之謹嚴 掌北門之管 留
 居守 保釐 元帥領十連之重 別宮備萬乘之
 臨 玉麟分左 瞻建業之名都 總別都之留務
 龍蟠虎踞山川鍾王氣之靈鳥革翬飛觀闕視神
 京之麗 虎踞龍蟠現摹猶昔魚麗鶴列勝筭方
 新惟江陵武昌之相望暨合肥蕪城之對峙首尾
 聯絡輔車因依 掌籥居留 王氣龍盤地形縮
 錯 施君陳東郊之政 分正東郊 畢命保釐

鄼侯謹信 營江滸以告成 式辟四方徹我疆
 土 江漢湯湯武夫洸洸經營四方告成于王
 中興呂頤浩張浚趙鼎陳俊卿為帥 願浩為安撫
 大使 張浚在此無北顧之憂 乾道三年史正
 志為帥總建康至鄂渚舟師 王欽若自江寧再
 相 開禧中葉適以建康守兼沿江制置使續改
 兼江淮制使措置屯田丘密為江淮制置大使兼
 建康守

池州 都統制

秋浦 池陽重鎮江左要衝 江山千里襟帶六

朝 唐李芘請以秋浦置州扼衿要 建炎四年

呂頤浩為安撫大使兼知池州 紹興十二年始

分屯大軍 都統制紹興李顯忠乾道吳玠

太平州 提領茶鹽

當塗 江津之要 姑孰在大江之南左天門右

牛渚鐵甕直其東石頭枕其北 襟帶秦淮自吳

汜陳常為鉅屏 民安俗阜 當塗樂土江左雄

藩 俗微民淳 周瑜備牛渚 亘冲自京口遷

鎮姑孰

寧國

州鎮

宛陵 宣城 作藩南夏據吳上游 阻山帶江

顏謝流風 雙溪疊嶂

隆興 安撫十一州今移九江 江西

南昌 洪都 洪井 豫章 星分翼軫地接衡

廬襟江帶湖控荆引粵 十郡之要 屏翰江右

龍潛舊服物衆地大 據百粵之上游為三楚

之重輔 天開翼軫之疆地扼江湖之國 鍾陵

粵區楚澤全壤 南接五嶺北帶九江咽扼荆淮

翼蔽吳粵為一都會 淮海帶襟 扼甌閩交廣

之亢 十一州五十六縣皆受約束 令修庭戶

之間人自得於江山之外王仲舒替藩分閩是
 為翼軫之區連帥選才無越台衡之舊召伯教
 明南國韋舟功被八州於江西八州無遺便
 獨孤及為洪州刺史張鎬頌云家有膏雨戶有
 陽春中興李綱趙鼎周必大會府之雄中興
 牧伯半用政塗之舊紹興三年趙鼎江西大使
 兼洪州
 江州安撫使沿江制副都統制
 尋陽九江湓城浦晉置州初治豫章後治
 於此中流襟帶常為重鎮國之南藩要害之地

州鎮

舟車衝要滄江帶其右廬阜居其前
 派襟帶上流控西江之要地宿南渡之重鎮
 據大江為中流宿勁兵為重鎮西挹武昌
京口陸連五嶺江行岷漢亦一都會南北
 以長江為限東西以中流為防漢盧植才兼文
 武拜守晉桓沖曰尋陽西連荆郢陶侃
 温嶺復為刺史中興朱勝非安撫大使
 兼守岳飛以江西制置使駐江州備南康興國
 江面蘇秦奇荆南鄂黃在
 上流要地中興置都統以廣屯備

揚州制垣九郡安撫使兩淮制置大使

廣陵 斗牛之分 江都 淮海 枕江臂淮

重江復關之輿 四會五達之莊 江左大鎮

以揚州為根本 長淮都會南躡經海之游北壓

長淮之流 俯江湄瞰京口 淬蕞鋒之戎械增

堅金之外郭 江漢匪安匪舒淮夷來歸 常武

整我六師以脩我戎戒我師旅率彼淮濱省此徐

土不留不虞三事就緒 鋪淮濱執醜虜截彼淮

浦王師之所 牧臣司揚 魏文見江濤以為天

限南北 吳自西陵至江都五千七百里道里甚

遠必爭之地不過數四猶人有八人之軀護風寒

亦數虞耳 魏淮南比有四萬人且田且守 晉

祖逖屯於淮陰射譙城 黃河以南盡為晉土

謝安出錮 詔求文武良將鎮禦北方以謝元為

兗州刺史領廣陵相監江北諸軍事 郗鑒都督

青兗二州鎮此 晉夫以廣陵控扼三齊故青兗

同鎮 宋文帝兼置南兗州 唐李吉甫德裕

宋朝韓琦 韓世忠宣撫 門戶嚴則謝元無後

顧之憂藩籬固則祖逖有前進之勢

廬州制置副使安撫使九郡總勇軍都統制 淮西

廬江 古廬子國 合肥 為淮西根本 一道
都會地大以要 江北層嶺淮右衿喉 南臨江
湖北縣壽春 腹巢湖控渦潁膺濡湏枕瀋皖為
用武之郊 淮甸沃壤 長淮帶城 中嚴王萊
之屯外倚師垣之重 魏為重鎮張遼守之以八
百人破孫權十萬衆明帝曰東置合肥南守襄陽
西固祁山敵來輒破地有所必爭 築新城 武
帝軍合肥開芍陂屯田 劉馥鎮合肥廣屯田備
戡守之備興陂塌懷派民 魏滿寵鎮此曰合肥
城南臨江湖北遠壽春 吳屯廬江皖口 晉謝

元扼肥水敗秦師 戴淵守 若昔濡湏之
芍陂之屯 鄆城士飽馬騰淝水風聲鶴唳淝
躡宅牧良難 訖天誅於泗曲 但畏合肥有
虎 紹興七年九月劉錡為守兼營田使淮西制
副 嘉定十二年善相為制副

濠州 招撫使

濠梁 鍾離郡 臨濠 阻淮帶山 荆山在西
濠水合流 南北朝為重鎮 鄧艾屯田自鍾離
以南置營 張萬福為刺史江淮草木知威名

濠州 制副

齊安 黃岡 中襄鄂昇揚而立首尾聯絡一內

繕諸關外嚴列戍 東望夏口前介大江 通接

巴蜀襟帶湘漢介淮楚之交 地連雲夢城倚大

江 濱江帶山 烏林赤壁 五關之險惟江表

之藩籬在淮塢之屏翰 邾城名郡淮甸要衝

陸遜以二萬兵戍邾城 吳成此城用三萬兵

光州 武定 軍都統制本雄淮軍嘉定元年改

光山 弋陽 浮光 襟帶長淮控扼潁蔡

思舊封 面山負野限淮為所

淮安 安撫

山陽 東楚 淮陰 淮水湯陽 至二

夷來同 晉以淮陰為重鎮 祖逖為潁州

屯淮陰起冶鑄兵器克譙城遂鎮淮陰

無納新附 荀羨北鎮淮陰屯田石甯 唐

川古射陽湖置洪澤也 韓世忠為宣撫使屯山

陽 嘉定中曹夔涉知楚州淮東制使兼京東河北

路節制使又兼鎮撫節制大使

壽春 安撫

壽陽 下蔡 淮南要衝壽陽重鎮劉仁贍之備

禦英烈如存鄧士載之經營宏規可想 鄧文

令

淮北屯二萬人且由且守平淮西碑曰文通汝

守壽 紹興中李光壽春等州宣撫使

江陵京湖制垣守撫使十六郡都統制正在京尉右裏

荆渚 南郡 荆南 南楚 鷓尾之分 荆南

為吳蜀門戶 楚之郢都 南夏劇鎮據江湖之

會控扼巴蜀襟帶吳粵 北繞潁泗南通五嶺 西

通巫巴東接雲夢 地利西通蜀天文北照秦

三湘七澤 荆州上游 北連鄧許西極瀟湘

眷荆楚之西門實江漢之南紀 大別之南江漢

合而東派 詩跡 重湖三楚 地控上游兵屯重

州鎮

鎮 控巴夔之要路接襄漢之上流 指作要衝

昔分吳蜀列為一道今扼荆襄 江漢之滸王命

召虎式辟四方徹我疆土于疆于理至于南海

來旬來宣經營四方 采芑方叔元老克壯其猶

方叔率止執訊獲醜征伐獫狁蠻荆來威 衰荆

之旅有截其所 荆楚居國南鄉 烈烈征師召

伯成之 王命卿士大師皇父整我六師以脩我

戎既敬既戒惠此南國 召公之教明南國申伯

之德揉萬邦 吳與蜀分荆州 吳晉重鎮 江

左大鎮莫過荆揚有西陝之號 諸葛孔明曰荆

州北據漢沔利盡南海東連吳會西通巴蜀此用
 武之國又謂先主曰命上將將荆州之軍以向宛
 洛 何充曰荆楚國之西門得人則中原可定
 周瑜之據江陵 晉陶侃鎮荆州楚郢士女相慶
 自南陵迄于白帝數千里中路不拾遺 桓温經
 畧中原即而鎮之 庾翼為南郡太守鎮江陵
 唐自至德以來處方面數十人呂諲最有名 威惠
 兩行 穆昭嗣對太祖曰荆南即西川江南廣南
 都會也今已克此則水陸皆可趨蜀 呂餘慶自
 江陵為參政 趙雄軍武節開府判江陵 劉錡

以太尉知荆南兼都統 牧臣司荆

鄂州 安撫 都統制

武昌 江夏 夏汭 夏口兵衝要地宜得其人

地接荆峴 江漢合派 鄂渚 扼東江湖

帶襟吳楚 遠控湖湘旁帶漢沔 夏口在荆江

之中 通接梁雍實為衝要 一江天險萬騎雲屯

孫吳都之常為重鎮 置督將于此 周瑜為

江夏守請得精兵數萬人進夏口破曹操 呂岱

屯武昌與陸遜共領荆州同心協規南土稱之

晉陶侃為守兼督江州移鎮武昌 庾翼修軍器

積穀 温嶠鎮武昌有惠政 王述曰武昌江東

鎮戍之中非但捍禦上流而已方嶽重將當居要

害之地為内外形勢 桓冲曰夏口江河衝要

唐柳公綽陳師鞠旅古名將無加 建炎四年鄂州置

安撫大使紹興四年馬廣為江西沿江制副屯武

昌 紹興元年春分八郡為湖東路安撫置司於鄂

隆興二年沈介為守兼鄂岳江黃漢陽沿江制

置使 嘉定十四年李直一以沿江制置副使兼守

常德府

武陵 桃源 建炎四年程昌禹為鼎澧鎮撫使

紹興元年春分鼎澧辰沅靖等九郡為湖西路

安撫置司于鼎澧辰沅 寶祐三年常德守湖北安

撫兼五郡鎮撫使

潭州 安撫使九郡 湖南

長沙 星沙 熊湘壽沙 翼軫為楚分旁一小

皇為長沙星謂之南楚 南五嶺比洞庭控湖湘

上游 控交廣之戶擁扼吳蜀之咽喉翼張四隅

襟束萬里 長沙鉅屏南紀上游 湘川之奧人

豐土關南通嶺嶠 襟帶重湖 領湖南之地二

千里 潭府導古 湘水行春 地狹不足回旋

右夏河左荆門 控百粵包九疑 山川秀麗稱
衡相 地勢廣長接青草洞庭之匯 民情勁悍狂
綠林新市之風 星沙於外藩最佚 勿謂湖湘
之遠在予庭戶之間 甘棠召伯之教明南國
申伯王績之事南國是式 登是南邦世執其功
王命申伯式是南邦我圖爾居莫如南土 錫
爾介圭 戎有良翰 文武是憲 柔惠且直 操
此萬邦聞于四國 常武整師脩戎 惠此南國
吳芮之忠著甲令 賈誼為長沙傳 晉元帝
曰湘州控上流之勢據三江之會層齒荆雍 皇

中伏青湖南北宣撫使經制廣南 紹興二年
李綱湖廣宣撫使兼潭州制云分陝四年帝益湖南
安撫制置大使五年呂頤浩以鎮南節開府為之
周必大少保判 李椿朱熹劉珙真德秀為帥
孫沔為湖南江西安撫使得以便宜從事 重
湖通川陝之氣脉九郡扼蠻裔之衿侯中興以來
見謂重鎮如綱如益如頤浩如珙皆緣政路出殿
是邦

襄陽 京西南安撫使七郡制在
南雍 台峴 峴首 穀城 翼軫之分 控制

上系 漢東帶吳楚 右視湖相左顧川
 峽下 京洛 帶襟漢水昇蔽全吳 去江陵步
 道五百里 執同唇齒 此接宛洛跨對楚沔為鄂
 鄂北門 右楚蜀之上游 玉節臨南雍 方城
 為城漢水為池 天設金湯雲屯貔虎 魏為荆
 州治西極梁州南包臨沮北接陰郢 吳周瑜曰
 據襄陽以躡操北方可圖也 魯肅曰外帶江漢
 金城之固沃野千里 魏明帝曰南守襄陽敵來
 無破地有所必爭 司馬宣王云襄陽水陸之衝
 黎寇要地不可失也 百羊祐率營兵出鎮壽春

綏懷遠近甚得江漢之心 戍邏減半分以墾田八
 百餘頃大獲其利有十年之積以所統諸軍在漢
 東江夏者皆以益祐祐在軍常輕裘緩帶進據險
 要開建五城收膏腴之地增脩德信以懷柔初附
 繕甲訓卒廣為戎備 江壻如砥襁袂同歸 杜預
 督荊州繕甲兵簡精銳勤於講武江漢懷德化被
 萬里錯置屯營分據要害之地通零桂之漕刻石
 紀勲立峴山之上 周訪務農訓卒 劉弘勸課
 農桑漢沔肅清 庾亮云北接宛許南阻漢水其
 險足固其土足食 晉庾翼䟽襄陽荆楚之舊西

接益梁與關隴指斥北去河洛不盈千里土沃田
良方城險峻進可以盪秦趙退可以保流翼謀
北伐鎮于此 桓宣招懷初附勸課農亦撫綏有
績 唐樊澤成惠著襄漢 裴度為節度 曹玉

阜勤儉

峽州

安撫副使始於寶祐一年

巴峽

月峽

吳漢留夷陵泝江而上

陸遜言

夷陵要害國之關限失之則荊州可憂又以為西
陵國之西門 陸抗都督西陵國之蕃表若敵汎
舟順流非可恃援他部 陸遜為宜都守鎮此後

陸抗鎮焉

縣

建平 歸州

陸抗曰西陵建

平國之蕃表

胡安國曰湖北十有四州其要會

在荆峽劉表時則軍資寓江陵先主時則重兵屯

油口關羽孫權則并力爭南郡陸抗父子則協規

守宜都晉大司馬溫及其弟冲則保據渚宮與上

明皆峽峽之封境也荆南諸邑在江北者三在江

南者四峽州大都險要皆在南岸 欲保江左必

都建康欲守建康必有荆峽

重慶

四川制置移治

古渝

巴渝

渝水

渝南

在岷山之北

西

控夔道北接漢中 承三江之會 晉王濬為巴

郡守

成都 四川制置總三十六郡 安撫使十六郡

坤維 井絡 靈關玉壘 岷山之精上為井絡

帶二江之雙流抗峨眉之重阻 魚鳧鱉叢之

國 參旗并鉞 歷井批參 華陽黑水 蜀道

青天 華陽西極黑水南流 井絡輝其上岷嶓

鎮其域華山表其陽汶江出其微 外負銅梁緣

以劍閣 地稱天府 止錦江之沸清玉壘之塵

鼎峙三分之地坤維半壁之大 文翁倡其教

文翁之文武侯之武 一方之寄非親賢勿居

蕭何以丞相留收巴蜀租填撫諭告使給軍食

王尊為忠臣叱馭作中和樂職之詩 孫寶著

名西州 朱輔宣示漢德威懷遠夷 孔明謂先

主曰身率益州之衆出秦川則霸業可成又曰益

州險塞沃野千里 高崇文曰西川乃宰相回翔

之地 韋臯治蜀二十一年撫諸蠻有威惠製紀

功碑褒賜之蜀道易 武元衡外分兵符中佩相

印 李德裕籌邊樓按西南道之圖 張詠恩威

並用 呂餘慶以參政守成都 趙抃為政簡易

自政府復生 程戡善撫遠人還當以二府處之
文彥博立訓練之法 張方卒 善政前有胡
世將後有蕭振 張燾以帥臣行四川民事 唐
益以制置大使兼守 紹興五年 汝愚始以同姓
守蜀

興元 利東安撫使 都統制

漢中 梁州 南鄭 為巴蜀障蔽 顧瞻南鄭
屏蔽西陲 牧臣司梁 漢王都南鄭蕭何曰語
曰天漢其稱甚美大王王漢中收用巴蜀還定三
秦天下可圖也杜預信曰三秦可傳檄而定決策東

向 有拜將 楊洪曰漢中益州咽喉若無漢
中則無蜀 先主曰我必有漢川矣 蜀以魏延
蔣琬屯守為重鎮 孔明率諸軍北駐漢中以圖
中原上出師表 謂武侯出師之章審漢將登壇之
策 唐鄭餘慶鎮興元 紹興中楊政以經畧安
撫守興元 嘉定中安丙以制置大使治興元
紹興即蜀北境分置二帥東治漢中西治葭萌
利州 利西安撫 副都統制
益昌 葭萌 綿谷 咽喉要路 秦自劔道伐
蜀即此路 劔門銘云右師逾利州左師出于劔

門交出九地上披重雲 右逾岷山左直劔門
建炎四年利州路置帥後景興宗守興元兼利州
安撫由是帥移興元紹興十四年分利路為東西
乾道四年合為一興元兼領淳熙二年復分三年
又合五年復分開禧三年復合嘉定十二年丁焞
守沔而又分

夔州

夔路安撫使十五

宣撫使

夔子國 雲安 白帝城 夔門 控荆楚上游
為巴蜀要郡 居瞿唐上游 楚蜀衿吭水陸衝
要 全蜀之口 介于巴楚 咽喉巴峽 朝發

白帝暮登江陵 荆益之衝 控百蠻西南四道
之咽喉 吳楚萬里之襟帶 夔府 蜀西增白帝
之守 孔明八陳圖在永安宮南平沙上 唐李
孝恭為總管

潼川 安撫今在瀘州 寶祐六年詔移司叙州

梓部 東川 左蜀 左帶涪水右挾中江居水
陸衝要 東控瀘叙西扼綿茂江山形勝為劔外
一都會 西接二江南連三峽 表裏巴庸咽喉
褒漢 高崇文為節度

金州 都統制

洵城 洵陽 姚墟 安康 洵陽 洵水南入

沔 郿臨漢江 蜀以申儀為西城太守 王彥

始除金房開達州都統 郭浩 王彥

沔州 安撫利西路 都統制

沔水 順政 武興 武都 嘉陵水 興城關

城外有壘三西周匝 地當衝要 劉備自陽

平關南渡沔水 孔明獎率三軍北定中原遂行

屯沔北陽平 傳云屯沔陽 蔣琬欲乘漢沔東下

襲魏興上庸

瀘州 瀘州路安撫使十五郡

瀘川 江陽 瀘南 控扼六詔為重鎮西連夔

道東接巴渝 古巴子之國 祝帶雙派 地兼

夷漢江帶梓夔 地兼戎棘境接巴黔 地控雲

南之六詔疆連井絡之三巴 孔明五月渡瀘定

南方平南中七縱七禽 太祖召瀘州守錢文敏

曰瀘近蠻允宜綏撫 乾道升領東川一道十五

州為邊隅重地 趙旌以舊瀘為守 景定三年

二月改江安州降軍事

水經注若水至楚道又謂之馬湖江 喜地理志

或州有馬湖鎮兵 後漢志獲為郡 夔道注葦陽

或州有馬湖鎮兵 後漢志獲為郡 夔道注葦陽

國志曰治馬湖江會水通越舊舊本有九城志
羈縻州商副浪川驛州在馬湖江隸戎州 唐乾
符二年高駢將復印峽關大度河諸城柵又築城
於戎州馬湖鎮號平夷軍築城於沐源川皆蠻入
蜀之要道各置兵數千戍之自是蠻不復入

福州 安撫使八郡 西外宗正

閩中 三山 七閩重地百粵故區 東帶滄溟

南望交廣 眷全閩之督府奠長樂之奧區 惟

南閩之都曾有東魯之文風 襟山帶海控廣

吳 任重十連威臨八郡 閩粵地肥衍

支分封圻廣袤三山鼎峙形勢尊雄 帶衮優儒
生之禮丕變文風崇重學校海濱幾及涖泗以文
詞進民皆化之 蔡襄為守 張浚為大使條畫
海道舟船利害 陳俊卿以舊弼舟守 唐有長
樂郡經畧使以防海寇管兵千五百人

泉州 西外宗正

清源 宋買臣云發兵浮海直指泉山陳舟列兵
燕趙之舟守

建寧

建安 建水 建溪 富沙 武夷 閩之上游

青

東閩劇地 襟山東水 碧水丹山 潛龍之

邱 家有詩書 自朱熹倡道東南為道義之鄉

陳俊卿王淮梁克家以舊弼為守

經學 安撫使十四郡 唐五府經畧使

南海 番禺 羊城 扶胥黃木 交趾蒼梧

服領以南 帝命南伯 嶺南節度為大府 鎮

海敵其陽五嶺峙其北 祝融之宅 古南粵之

地 嶺表 地控百粵境接群蠻 殿南服 江

漢之詩曰于疆于理至于南海 眷南粵之封垂

宅者禹之都會 海山控帶夙稱形勢之雄民蠻

雜居尤賴撫綏之畧 選帥重於他鎮有文武威

威知大體 嶺南帥得其人則一邊盡治 盡牧

南海之民 摠五莞之政教建三軍之鼓旗 五

莞之長 分五羊而作牧 旂旌蓋海 龍戶馬

人 陶侃運甓之志 唐經畧使以計度為上考

宗 宗 李勉廉潔 孔戣直方嚴 海嶺之險

既足既濡 河間王孝恭安輯嶺表號令暢南海

焉 摠抗節番禺 治廣無出王方慶之右賜瑞

錦以彰善政 向敏中廉清 崔與之自廣州除

參政

江經畧安撫二十五郡 實祐五年命制置大使

桂林 八桂 桂管 襟蠻帶海為會府 五莞

之地桂為大 西控龍編東連鯨海 地控諸蠻

覆連五嶺 地聯五嶺川東三江 三控制衡東

後嶺海為一都會 脩戎兵用邊蠻方 疆分五

嶺 疆分五莞連江山參帶之雄戶雜群蠻有鱗

介衣裳之俗 撫御之宜有赤子龍蛇之別牧伯

之任在嚴師父母之間 宣威丹徼 領郡二十

五羈縻州七十二控制雄劇 銅柱之邦戈船之

道 羈縻七十州封畛四千里風氣清淑東接嶺

海右控蠻荒 晉陶侃鎮江陵都督交廣 忠順勤

勞 唐李靖平嶺南為嶺南撫慰大使桂州總管

王峻為都督築城務農 唐經畧之地甚重

專西南一面之寄 莫府無南鄉之慮 曹克明

始置溪洞司而兼領之 陸誥嶺外處畫無不當

者 余靖奏團結訓練土丁以備邊 經制五莞 恩信普嶺外

張栻范成大 援著安交趾之績固陳靖日南之方

祖宗之制不以武人為大帥專制一道必以文臣

為經畧以撫制之

尹真定太原京兆鳳翔河中江陵

成都興元江寧

大都督徐充陝路揚福杭越

鄴督安延洪鄂夔廣夏

文茵暢轂雕戈錫盾赤旂金節朱蒂葱珩

豹尾神旗旂旌綉葆淑旂綏章貝冑朱綬

首纛駢旄渠門赤旂壽甲瑀戈鍼鉞瑀戈

犀甲熊旂鷲旂鷓綬隼旗驚冕元纛青旌

龍旂四牡長轂千旗龍節旣旌牙璋犀節

漢卷終

王海卷第二十

俊儀王應麟伯厚甫

地理

山川

黃帝空桐山

史記紀東至于海西至于空桐帝昭曰在隴右正義曰括地志山在肅州

福祿縣東南六十里古西戎地抱朴子內篇黃帝從廣成子受自然之經即此山又斧頭山一名空桐山

在原州平高縣西百里元云大隴山異名莊子廣成子學道空桐山黃帝問道在此蓋二處皆云黃帝

登之未登鷄頭南至于江登熊湘北逐葷粥合符釜山而邑于涿鹿之阿贊予西至空桐北過涿鹿長老

各稱黃帝堯舜之處風教固殊。莊子黃帝立為天子聞廣成子在於空桐之上往見之釋文爾雅云北戴斗極為空同一曰在梁國虞城東三十里司馬云當北斗下山也。漢武帝元鼎五年冬十月至隴西登空桐。王元之有空桐山銘。

黃帝五山

見羣祀

堯山

前地理志中山國唐縣注堯山在南應劭曰故堯國也唐水在西張晏曰堯為唐侯國於此堯山在唐東

山川

北望都界望都縣注張晏曰堯山在北堯母慶都在南登堯山見都山故以為名。張衡南都賦奉帝而追孝立唐祀乎堯山注水經曰南陽縣西堯山酈元曰魯縣立堯祠於西山謂之堯山。

舜十二州山川

舜典肇十有二州封十有二山濬川。程氏曰封表其山為一州之鎮。夏氏曰封殖十二州之山與其川而深濬之孔氏以封。每州取山之殊大者以為一州之鎮。胡氏曰川之交會非若山之可以州別。若江出岷山梁州而患在荆揚河出崑崙雍州而

患在徐交故不言

舜歷山

續志濟陰郡成陽

澤注帝王世紀舜耕歷山漁

雷澤濟陰有歷山

郡蒲坂注縣南二十里有歷

山舜所耕處

坂注郡南有歷山謂之歷觀

舜所耕處有舜井媯汭二水二焉上有舜廟 魯鞏

曰圖記皆謂齊之南山為歷山

禹九州山

山川名

山川次秩

禹貢奠高山大川序

別九州隨山濬川正義奠高

山大川言禹治九州之水水害既除定山川次秩自

山川

導岍至嶓冢所治之山首尾相及道弱水至洛所治
之水發源注海定其次秩尊卑使知祀禮所視山高
者莫高於岳川大者莫大於瀆五岳嵩岱衡華常四
瀆江河淮濟舜典云望秩山川故言定其差秩王制
云五岳視三公四瀆視諸侯其餘視伯子男荆岐既
旅蔡蒙旅平九山刊旅是次秩既定故旅祭之九州
之次以治為先後治水皆從下為始奠州帝都於九
州近北故首從奠起自兗已下皆準地之形勢從下
向高從東向西雍地最高故在後此經大體每州之
始先言山川後言平地青梁先山後川徐雍先川後

嘉靖庚戌年

山充揚荆豫有川無山揚豫不言平地史以大畧爲
 文冀州之分言及雍州之山從東循山治水而西故
 也班固漢書地理志據前漢郡縣言山川所在禹貢分州
 又以山川定經界州縣之設呂刑禹平水土主
 有時而更山川之形千古不易
 名山川注禹治洪水山川無名者主名之史記夏
 本紀禹乃行相地宜所有以貢及山川之便利禹行
 自冀州始漢張騫傳贊言九州山川尚書近之矣
 至禹本紀山經所有放哉史大宛轉同又曰所有怪物余不敢言之也
 爾雅從釋地已下至九河皆禹所名也莊子天下
 篇墨子曰禹湮洪水決江河通四夷九州名川三百

支川三千小者無數 冀之壺口梁岐岳陽石雷
 首底柱析城王屋太行常山大伾青之岱萊徐之蒙
 羽澤陽楊之敷淺原荆之荆衡内方大别豫之熊耳
 外方桐柏陪尾梁之華陽岷嶓蔡蒙雍之荆岐終南
 厚物鳥鼠三危積石龍門岍西傾朱圉華陰此九州
 之山也冀之衡漳常衛孟津降沆充之九河雷夏灘
 沮濟滹青之濰淄汶徐之淮沂泗大野揚之彭蠡三
 江震澤荆之江漢九江沱潜雲夢滄浪三澨澧豫之
 伊洛瀍澗滎波蒗澤孟猪梁之黑水巨沔雍之西河
 弱水涇渭漆沮澧此九州之川也每州言境内之山

正德二年補刊 五海卷二十 四
川又聯貫首尾從西而東以著自然之形勢先隨山而後濬川自導壙至敷淺原皆導山之事自導弱水至導洛凡九條皆導水之事自北而南言山以為水之經言水以為山之紀九山刊旅九川濬源九澤既陂四海會同禹功之全可見矣

禹九江 九水 九江圖

禹貢荊及衡陽惟荊州江漢朝宗于海九江孔殷注江於此州界分為九道甚得地勢之中釋文尋陽地記曰禹疏九江一曰烏白江二曰蚌江三曰烏江四曰嘉靡江五曰畎江六曰沙源江七曰廩江八曰堤

江一作九曰箇江一作張頊元緣江圖云一曰三
江二曰五州江三曰嘉靡江四曰烏土江五曰蚌江
六曰白鳥江七曰箇江八曰沙提江九曰廩江參差
隨水長短或百里或五十里始於鄂陵終於江口會
于桑落洲太康地記曰九江劉歆以為湖漢九水入
彭蠡澤也正義傳以江是此水大名九江謂大江分
而為九猶大河分為九河鄭云九江從山谿所出其
孔衆多言治之難也鄭意九江名自別源其源非大
江也下派合於大江耳應劭注地理志云江自潯陽
分為九道符於孔說潯陽記有九江之名烏蚌為白

嘉靡畎源廩提菌雖名起近代義或當然顧九江為所導凡有九水大意自北為始弱水最在西北水又西流故先言之黑水雖在河南水從雍梁西界南入南海與諸水不相參涉故又次之四瀆江河為大河在此故先言河也漢入于江故先漢後江其濟發源河北越河而南與淮俱為四瀆故次濟次淮其渭與洛俱入于河故後言之流水多矣此舉大者言耳弱黑沈水不出于山其餘六水又與山連不言水積石山非河上源記施功之處淮渭洛言自某山皆是發源一夏本紀九江甚中注鄭元曰地理志在尋

陽南皆東合為大江索隱曰張氏九江圖所載有三里五畎烏土白蛛河渠書太史公曰余南登廬山觀禹跡九江漢志蜀郡湔氏道注禹貢嶧山在西北外江水所出東南江都入海過郡七行二千六百里六十里廬江郡尋縣注禹貢九江在南皆東合為大江九江郡注應劭曰江自廬江尋陽分為九文選江賦源二分於岨峽流九派平陽州尚書孔禮淮南子禹鑿江而通九路曾氏曰沈漸元辰叙西相資醴水皆合洞庭中東入于江是為九江導江曰過九江至于東陵今之巴陵巴陵之上即洞庭也因

九水所合遂名九江水經九江在長沙下雋西北楚地記曰巴陵瀟湘之淵在九江之間夏氏取曾說水經引庾仲雍江記選洞簫賦注引江圖選詩注引庾仲雍江圖隋志庾仲雍江記五卷漢水記五卷尋江源記一卷唐志釋道安四海百川水原記一卷張氏江圖一卷劉氏江圖二卷唐志張容九江新舊錄三卷

文選注周書曰禹濶七十川大利天下莊子禹親自操橐耜而九雜天之川

禹三江

禹貢淮海惟揚州彭蠡既豬陽鳥攸居三江既入震澤底定釋文章昭曰三江謂吳松江錢塘江浦陽江也吳地記云松江東北行七十里得三江口東北入海為婁江東南入海為東江并松江為三江庾仲初注同郭璞曰岷嶽松江正義孔傳云自彭蠡江分為三入震澤遂為北江入海鄭元以為入于海不入震澤今南人以大江不入震澤震澤之東別有松江等三江史記夏本紀三江既入注索隱曰按地理志有南江中江北江是為三江其南江從會稽吳縣南東入海即松江也中江從丹陽蕪湖東北至會稽陽羨縣東入海北

江從會稽毗陵縣東北入海故下文東為中江又東為北江孔安國云有北有中南可知也正義吳郡東南三十里名三江口一松江古笠澤一上江亦曰東江一下江亦婁江

至尋陽南合為一東行至揚州入彭蠡復分為三

入海漢地理志注師古曰三江謂北江中江南

江也震澤在吳西即具區也溝洫志於吳則通渠

三江五湖管子夏人之王外鑿二十壘滌十七湛

䟽三江鑿五湖道四涇之水以商九州之高以治九

藪民乃知城郭門閭室屋之築而天下化之荀

山川

成相禹有功抑下鴻北決九河通十二渚䟽三江

淮南子舜乃使禹䟽三江五湖闕伊闕導瀍澗水

經南江東北為長瀆歷河口東南注于具區謂之五

湖口東則松江出焉謂之三江口又曰江水奇分謂之三江口

蘇氏曰豫章江入彭蠡而東至海為南江岷山江之

經流會彭蠡以入海為中江漢自北入江匯于彭蠡

以入海為北江三江入海則吳越始有可宅之土而

水所鍾者獨震澤而已禹貢正義大意江從彭蠡分

分為三乃入海蘇氏破其說謂安國未嘗南遊曾氏曰考於地志豫章之

川如彭水鄱水塗水之類凡九水合於湖漢東至彭

其說謂安國未嘗南遊

曾氏曰考於地志豫章之

川如彭水鄱水塗水之類凡九水合於湖漢東至彭

其說謂安國未嘗南遊

蠡入江此九水蓋南江也南江乃江之故迹非禹所
 導禹導漢水入焉與舊江合流而水之派分為南北
 故漢為北江又導岷山之江入焉其流介乎二江之
 中故為中江南江乃故道故經不志夏氏取曾說
 葉氏曰漢至大別南入于江為南江與中江北江為
 三蔡氏曰庾仲初吳都賦注松江下七十里分流
 東北入海者為婁江東南流者為東江并松江為三
 江其地今亦名三江口吳越春秋所謂范蠡乘舟止
 三江之口者是也吳越春秋以三諸家各指近震
 澤諸江為三江蘇氏指抹陵京口一江為三江按今

山川

大江所行以求三江猶按漢大河所行以求九河其
 不可得明矣

山海經浙江出三天子都在其東在閩西北入海餘

暨南廬江出三天子都子鄣天入江彭澤西

禹九山

禹貢九山刊葉注九州名山已槎木通道而旅祭

史記道九山沂及岐至于荆山正義九州之山謂

沂壺口砥柱太行西傾熊耳嶧冢內方汶索隱曰岍

壺口砥柱太行西傾熊耳嶧冢內方岐是九山也古

分為三條故地理志有南北條之荆山馬融以岍為

思高功。管子地數篇地之東西二萬八千里南北二萬六千里其出水者八千里受水者八千里。賈誼書書禹曰：夏河而導之九牧鑿江而導之九路。治水有兩端：川流或滄轉相入以達于海，使之有所歸也；或不可達，則捐數百里之地，因其勢以為澤。流之有所容也，水皆東而弱水獨西，黑水獨南，因其勢之不得不然，行其所無事也。

禹四瀆

史記禹本紀作禹。詩曰：禹錫陶父，勞于外，其有功。禹之民乃安。東為江，北為濟，西為河，南為淮，四瀆。

既修民乃有居

封禪書武帝詔昔禹疏九江決四瀆

禹貢正義四瀆江河為大河在北故先言河漢入于江故先漢後江濟發源河北越河而南與淮俱為四瀆故次濟次淮。江出岷山濟出王屋山河出崑崙而後至積石淮出胎簪山而後至桐柏。酈道元謂東南地卑萬水所湊觸地成川故川舊瀆難以為憑然則禹迹不可考者多矣。天文五潢地圖四瀆。

禹龍門山

水經又南出龍門口注魏土地記曰梁山北有龍門

山大禹所鑿通孟津河口廣八十步巖際鑄跡遺功尚存岸上並有廟祠祠前有石碑三所二碑不可識一碑太和中立史記正義龍門山在徐州龍門縣括地志云龍門在同州韓城縣北五十里其山更黃河夏禹所鑿者也龍門山在夏陽縣禹貢正義地理志云龍門山在馮翊夏陽縣北此山當河之道禹鑿以通河東郡之西界也吳越春秋禹周行寓內東造絕迹西延積石南踰赤岸北過寒谷徧崑崙察六扈脉地理名金石寫流沙於西隅決弱水於北漢青泉赤淵分入洞穴通江東流至於碣石疏九河於

山川

湣淵開五水於東北鑿龍門闢伊闕平易相土觀地分州

禹七十川

陂塘

文選木華海賦禹乃鏗臨崖之阜陸決陂潢而相沃注淮南子曰禹有洪水之患陂塘之事啓龍門之岸注周書曰禹嶺壘陵蠻而嶄鑿羣山既畧百川潛滌注七十川大利天下

商傳巖

說命說築傳巖之野注傅氏之巖在虞虢之界通道所經有澗水壞道常使胥靡刑人築護此道說賢而

喜居清之卯年

三

三

代胥靡築之以供食 呂溫有銘

周九州山川 九藪 夏九藪 禹九澤

禮夏官職方氏辨九州之國使同貫利東南曰揚州其山鎮曰會稽其澤藪曰具區其川三江其浸五湖正南曰荊州其山鎮曰衡山其澤藪曰雲夢其川江漢其浸潁湛河南曰豫州其山鎮曰華山其澤藪曰圃田其川滎雒其浸波澹正東曰青州其山鎮曰沂山其澤藪曰望諸其川淮泗其浸沂沭河東曰兗州其山鎮曰岱山其澤藪曰大野其川河滂其浸盧維當為雷雍正西曰雍州其山鎮曰嶽山注吳嶽也其澤藪曰弦

山川

蒲其川涇汭其浸渭洛東北曰幽州其山鎮曰醫無閭其澤藪曰豸養其川河滂其浸菑時河內曰冀州其山鎮曰霍山其澤藪曰楊紆其川漳其浸汾潞正北曰并州其山鎮曰常山其澤藪曰昭餘祁其川虜池嘔夷其浸涑易注鎮名山安地德者也大澤曰藪凡九州及山鎮澤藪言曰者以其非一曰其大者耳正義九州皆有鎮所以安地德 山師掌山林之名川師掌川澤之名 地官土訓掌道地圖注說地圖九州形勢山川所宜告王以施其事 澤虞云云注澤水所鍾水希曰藪禹貢曰九澤既陂爾雅有八藪

嘉靖甲申年

卷三

三

爾雅藪在釋地之篇不入釋水職方澤藪以其有水則為澤無水則為藪禹貢九澤通畿內州則有九爾雅云八藪除畿內一州而言案爾雅釋有十者以周秦同在雍州秦有楊紆周有焦穫一州有二故十又爾雅秦有楊陜職方冀州有楊紆蓋異所而同名也爾雅釋地十藪魯有大野晉有大陸秦有楊陜宋有孟諸楚有雲夢吳越之間有具區齊有海隅燕有昭余祁鄭有圃田周有焦護管子輕重戊夏人之王云云以商九州之高以治九藪周語伯禹釐改制董其之從孫四岳佐之高高下下疏川道滯

山川

豐物封崇九山決汨九川陂障九澤豐殖九藪
 越九原宅居九隩合通四海馬融傳融上寅成
 頌曰摯斂九藪之動物縹橐四野之飛征注周禮職
 方氏掌九藪注云澤無水曰藪呂氏春秋九藪越之具區楚之雲夢秦之陽華晉之大陸梁之圃田宋之孟諸齊之海隅趙之鉅鹿燕之大昭淮南子曰秦之陽紆燕之
 左傳四嶽三塗陽城大室荆山中南九州之險也是不一姓地理志注臣瓚曰汲郡古文梁惠王發逢忌之藪以賜民

周國都山川

夏官掌固凡國都之竟有溝植之固郊亦如之民皆有戢焉若有山川則因之注山川若殺皋河漢疏謂殺有二陵東城臯楚國漢水以為池河為四瀆之險又齊西有濁河皆因之為固

周岐山

選注說文曰岐山在長安西美陽縣界山有兩岐因以名焉周語內史過曰周之興也鸞鷲鳴于岐山

縣詩箋周之原地在岐山之南 閔宮言大王居岐山之陽 漢

志右扶風美陽縣注岐山在西北中水鄉周大至所

邑 詩譜函在岐山之北 史記正義括地志云岐

岐州岐山縣東北十里 餘廣云其南有司原

周名山

終南注周之名山中南也 史記傳騶衍作終南

言先列中國名山大川推及海外云九州各有名

海環之有大瀛海環其外

潘南子墜形訓何謂九山會稽泰山王屋首山太華

岐山太行羊腸孟門 選注抱朴子曰聞鄭君言道

書之重莫尚於三皇文五岳真形圖遁甲開山圖同

有巨靈胡者徧得坤元之道能造山川出江河

孔子記山川

中蕭注此孔子兼包堯舜文武之盛德而著之秦
述天時謂編年四時具也因水土謂記諸夏之事
川之異

秦五領

張耳傳秦北為長城之後南有五領之戍注師古曰
領者西自衡山之南東窮于海一山之限耳而別標
名有五裴氏裴一云廣州記云大庾始安臨賀桂陽揭
陽是為五領鄧德明南康記曰大庾領一也桂陽窮
田領二也九真都龐領三也臨賀南諸領四也始安
越城領五也裴說是也輿地志大庾二曰亭嶺亦名

龍四曰萌諸
五日越嶺

漢郡縣山川 詩書山川 郡縣山川風
俗

叙傳三代損益降及秦漢革刻五等制立郡縣畧表
山川彰其剖判 **地理志**先王之迹既遠地名又數

改易是以采獲舊聞考迹詩書推表山川以綴禹貢
周官下及戰國秦漢 **續志**漢志記郡縣本末及山

川奇異風俗所由至矣 **禹貢疏**班固作漢書地理
志據前漢郡縣言山川所在 又曰地理志云禹貢比

南南條荆山在南郡臨沮縣東北是舊有三條之說
也故馬融王肅皆為三條導岍北條西傾中條蟠冢

南條鄭元以為四列導岍為陰列西傾為次陰列岍
 冢為次陽列岍山為正陽列鄭元創為此說孔亦當
 為三條也 三輔其山驪華梁荆九夔岐汧終南厚物其
 川沂霸洛渭鄠潏漆杜弦蒲汧芮褒斜弘農河東太
 原上黨其山熊耳雷首析城王屋霍壺口鹿谷羊頭
 其川伊育澗維汾晉丹絳昭餘祁庫池漳沁河內至
 南陽七郡則有太行大騶太室陽城高陵中陰桐柏
 之山淇蕩圃田溼漚逢忌涕濮洧潁汝澧之川南郡
 至常山十郡則有荆內方陪尾天柱常山九江廬江
 淮肥清河沮常之川及大壑大陸靈夢荷雷之澤清
 河而下齊魯燕之分也山則秦岱原蒙羽嶧之罟壺

萊川則汶維留時洙泗膠沂涑易術會稽而下吳楚
 粵之境也山則歷會稽天門武林傳易九疑川則具
 區三江彭蠡以至蠶漢沔之在漢中嶧蒙江沱之在
 蜀郡鳥鼠嶓冢西傾養水之在隴西揭石無慮遼沛
 沮夏之在右北平武都遼東若金城之積石天水之
 朱圉長沙之衡六安之大別皆禹貢所紀之山也張
 掖之流沙安定之涇武威之豬野梁之盟諸信都之
 絳皆禹貢所紀之川也若考迹詩書扶風之郁夷芮
 阮魏之淇浚河汾溱洧之於鄭蠟之於齊則考之詩
 者也吳山之為汧太一之為終南崇高之為外方章

山橫尾之為內方陪尾葛嶧傳易之為嶧陽傳淺源具區震澤之異名居延流沙之殊稱則考之書者也奚養之澤參諸秦地之圖甬津淮潔絳易汶弱水訂諸平當桑欽之說其采獲舊聞又若此繫水土之風氣謂之風隨君上之情欲謂之俗風俗見六郡國春秋正義地理志以風為本俗為末言聖王必移本而易末廣谷大川異制民生其間異俗剛柔輕重遲速異齊器械異制衣服異宜顧豐水洛汭而思平水之功瞻陽城中南而監恃險之失良兼允麗具載諸書卷石勺水氣積形生鴻濛蝶我

山川

漢武之世凡五嶽盡在天子之郡而不隸侯國

漢上林八川

司馬相如傳上林賦獨不聞天子之上林乎左蒼極若西極丹水更其南紫淵徑其北終始霸產出入渭鄠鎬瀆瀆紆餘委蛇經營其內蕩蕩乎八川分流相背異態東西南北馳騫往來出乎椒丘之闕行乎洲淤之浦經乎桂林之中過乎泂菴之壑汨乎混流順阿而下赴隘隘之口觸穹石激堆埼云云東注太湖吳越所謂太湖在衍溢陂池注師古曰霸水出藍田谷西北入渭產水亦出藍田谷北至霸陵入霸涇水

出安定涇陽開頭山東至陽陵入渭渭水出隴西首
陽縣烏鼠同穴山東北至華陰入河張揖曰澧水出
鄠南山澧谷北入渭鎬在昆明池北澧行澧也澧水
出南山師古曰澧音牢亦水名出鄠縣西南山澧谷
北流入于渭地理志鄠縣有澧水北過上林苑入渭
渭水出嶺南入渭是公言上林廣大李善注引澧水
出嶺南入渭是公言上林廣大李善注引澧水
出嶺南入渭是公言上林廣大李善注引澧水

漢河源

張騫傳漢使使窮河源天子案古圖書名河所出
曰昆侖贊曰禹本紀言河出昆侖昆侖高二千五百

里餘日月相避隱為光明自騫使大夏之後窮河
惡睹所謂昆侖者乎注鄧展曰尚書道河積石河
出於積石在金城河關不言出昆侖也後漢西域
傳河有兩源一出葱嶺東流一出于闐南山下北流
與葱嶺河合東注蒲昌海一名鹽澤去玉門三百餘
里嶺嶺石為中國河班固傳西邊河源注河
源在崑崙山通典張騫實不見河源徒見兩水入
蒲昌海耳吐蕃自言崑崙在國之西南即河所出也
水經崑崙墟在西北河水出其東北陳又出海外
南至積石山下有石門河水冒以西南流河水又南

入蔥嶺山其一源出于闐國南山北流與蔥嶺河合
 東注蒲昌海又西北流注于河注河水重源有三非
 為二也涼土異物志曰蔥嶺之水分流東西西入大
 海東為河源禹記所云崑崙者焉張騫使大宛而窮
 河源謂極於此而不達於崑崙河水重源又發于西
 塞之外出於積石之山按山海經自崑崙至積石一
 千七百四十里唐西域傳李靖破吐谷渾望積石
 觀觀河源唐劉元鼎使吐蕃自成紀西南出塞二
 而相連崑崙河源於積石李大亮傳涉青海
 史記正義括地志河州有小積石山即

貢浮於積石至龍門者然黃河源從西南下出大崑
 崙東北隅東北流經千闐入鹽澤即東南潛行入
 谷渾界大積石山又東北流至小積石山河始闔
 云黃河出崑崙東北角剛山東自北行千里折西行
 于浦山南流千里至文山東流千里至秦澤西流千
 里至潘澤陵門東北流千里至華山之陰東南流千
 里至下津然河水九曲其長九千里入渤海爾雅云
 河出崑崙崑虛其色黃百里一小曲千里一曲一直
 史記索隱案山海經河出崑崙東北隅西域傳云南
 出積石山為中國河積石本非河之發源河源本崑

崙而潛流至于闐又東流至積石始入中國則山海
 經及禹貢各互舉耳 禹貢正義河行塞外東北入
 塞內積石非河之源故云河所經河從西來至此北
 流故禹沿河流而北 爾雅釋文案山海經云東望
 泐澤河水之所潛也 圖讚云崑崙三層號曰天柱實
 惟河源水之靈府 唐志賈耽吐蕃黃河錄四卷
 呂氏曰河源遠出絕域禹不窮其所至故導河止自
 積石 積石雍州之山在金城西南先儒以為河之所
 經則非河源明矣 導淮曰自桐柏渭曰自鳥鼠洛曰
 自熊耳導河獨不言自豈非源之所自出或未究歟

山川

山川

漢祁連山

霍去病傳上曰票騎將軍涉鈞耆濟居延遂臻小月
 氏攻祁連山揚武乎鱒得注師古曰祁連山即天山
 也匈奴呼天為祁連 叙傳西規大河列郡祁連注
 張晏曰置郡至祁連山 紀元狩二年夏將軍去病
 公孫敖出北地二千餘里過居延注師古曰居延匈
 奴中地名張掖所置居延縣以安處所獲居延人而
 置此縣天漢二年夏五月貳師將軍三萬騎出酒泉
 與右賢王戰于天山注師古曰即祁連山也 匈奴
 傳其夏票騎將軍復與合騎侯數萬騎出隴西北地

二千里過居延攻祁連山得胡首虜三萬餘級裨小王以下十餘人通典元和志於張掖縣既著祁連山矣而伊西庭三州皆有此山則是自其張掖而西至于庭州相去三千五六百里而天山皆周徧其地亦廣長矣去病至祁連山武帝數其功曰云云小月氏者河西四州皆是也而鯨得地理志作鯨得乃張掖之屬縣則此之所攻祁連者固在張掖矣至天漢二年貳師出酒泉又擊右賢王于天山酒泉肅州也

漢八藪

嚴助傳淮南王安上書天子之兵有征無戰陛下以

四海為境九州為家八藪為囿江漢為池注師古曰八藪謂魯有大野晉有大陸秦有陽紆宋有孟諸楚有雲夢吳越之間有具區齊有海隅鄭有圃田

漢水經 山經水志

隋志水經三卷郭璞注

唐志桑欽三卷舊志云郭璞撰

道元注四十卷

後魏人字善長博采地志窮述水源道元好學歷覽奇書撰注水經四

十卷書目同

李吉甫刪水經十卷

自河水至斤江水

潔汾滄涑文原洞晉湛濟清沁淇蕩洹漳易寇聖馬濕沽鮑丘濡遼淇洛穀甘漆澆涇渭漾丹汝潁洧澗漕陰汜睢匏子汶泗沂沐洋淄汶濰膠沔潛湍

粉白泚淮潢涓瀝灑親無澗溇蘄決泚世肥施沮漳
 夏羌涪潼涪江青衣巨若沫延江沅首存温淹葉榆
 夷油澧沅浪資漣湘灘溱匯深鍾耒沘澆澗潁廬
 漸江斤江非經水常流不在記注之限末卷載禹貢
 山水澤地所在凡六十 道元序曰昔大禹記著山
 海周而不備地理志所錄簡而不周尚書本紀與職
 方俱畧 唐六典注桑欽水經所引天下之水百三
 十七江河在焉善長注引枝流 漢地理志引桑
 欽之說於上黨曰絳水出西南於平原曰漯水所出
 泰山丹陽之汶水淮水煌郡之魚澤效穀張掖曰弱

水自此至酒泉合黎中山曰易水出西北東入滹
 通典云水經不詳所撰者名氏亦不知何代之書經
 云壽張光武更名臨濟安帝更名湖陸章帝更名水
 安順帝更名故知順帝以後纂序也詳水經所作殊
 為詭誕按後漢志濟水王莽時因旱渠塞不復截河
 南過既順帝所撰都不詳悉景純注解疎畧亦多
 怪經云河出崑崙山者出於禹本記山海經云南
 葱嶺及出于闐南山者出於漢書西域傳而酈元所
 注亦引禹記山經釋法明遊天竺記釋氏西域記後
 代纂錄者務廣異聞如范曄叙廩君盤瓠之類撰水

經者亦同蔚宗之旨趣又云是和帝後所撰經云武侯

又云魏興安陽縣注云諸葛武侯所居魏分漢中立

魏興郡又改信都從長樂則晉大康五年事也然則

非後漢人所撰隋志不言桑欽晁志云漢桑欽撰

成帝時人前儒林傳古文尚書塗漢地理志注文

選注史義正義引水經後漢注引水經注後漢蠻

夷傳論漢氏征伐戎狄云云著自山經水志者亦畧

及焉唐志有僧道安四海百川水源記一卷

漢雍州山川

又見羣記

西都賦漢之西都在於雍州實曰長安左據函谷二

山川

嶠之阻表以太華終南之山右界褒斜隴首之險

以洪河涇渭之川睠秦嶺賦北阜挾澧灞據龍首

溝洫志左右內史地名山川原甚衆水經注潘岳

關中記曰關中有涇渭灞澹鄠鄠漆沮之水

漢太一山

西京賦於前則終南太一隆崛崔嵬隱赫鬱律連岡

乎嶠冢抱杜含鄠欲澧吐鎬注漢書曰太一山古文

以為終南五經要義曰太一一名終南山在扶風武

功縣蓋終南南山之總名太一一山之別號耳選

注引班固終南山賦

蜀二江

漢溝洫志於蜀則蜀守李冰鑿離隄避沫水之害穿
 二江成都中蜀志秦宓曰蜀有汶阜之山江出其
 腹帝以會昌神以建福故能沃野千里淮濟四瀆江
 為其首此其一也禹生石紐今之汶山郡是也禹疏
 江決河東注于海為民除害功莫先者此其二也
 帝布治房心決政參伐參伐則益州分野三皇乘祗
 車出谷口今之斜谷是也蜀都賦帶二江之雙流
 水經注沫水自蒙山至南安而溷崖水脉漂疾害
 舟船李冰發卒鑿平溷崖即離隄通正水路開處即冰

山川

所穿也風俗通秦昭王使冰為蜀守開城都兩江
 漑田萬頃狄遵度鑿二江賦

唐十道名山大川

地理志太宗因山川舊志云山河形便分天下為十道正觀元年三月十日一曰關內道其名山太白九峻吳岐梁
 華其大川涇渭灞滻二曰河南道其名山三嶠少室
 砥柱蒙嶧嵩高太岳六典嵩二岳其大川伊洛汝潁沂泗
 淮濟三曰河東道名山雷首介霍五臺六典嶧山其大川
 汾沁丹潞六典汾沁四曰河北道其名山林慮白鹿封
 龍井陘碣石常岳其大川漳淇呼沱五曰山南道其

嘉靖庚戌年

二海卷下

三

名山嶓冢熊耳銅梁巫荆峴六典其大川巴漢沮洳六曰隴右道其名山秦嶺隴坻鳥鼠同穴朱圉西傾積石合黎崆峒三危其大川河洮弱羗休屠之澤七曰淮南道其名山瀟天柱羅塗八公六典又有其大川滁肥巢湖八曰江南道名山衡廬茅蔣天目天台會稽四明括蒼縉雲金華大庾武夷其大川湘贛沅澧沂江洞連彭蠡太湖九曰劔南道其名山岷峨青城鶴鳴其大川江涪雒西漢十曰嶺南道其名山黃嶺靈州其大川桂鬱天寶五載正月詔天下山水名稱或同義且不經多因里韃令所司據圖籍改定

水經注 劉澄之著 永初山川記

唐山河兩戒

唐天文志李淳風漢書度數而一行以為天下山河之

象存乎兩戒漢天文志元封中星孛于河戒占曰南

牛南戒又曰戒在北戒北戒自三危積石負終南

地絡之陰東及太華逾河並雷首底柱王屋太行北

抵常山之右乃東循塞垣至濊貊朝鮮是謂北紀所

以限戎狄也南戒自岷山嶓冢負地絡之陽東及太

華連商止熊耳外方桐柏自上洛南逾江漢攜武當

荆山至于衡陽乃東循嶺徼達東甌閩中是謂南紀

嘉靖庚戌年

所以限蠻夷也故星傳謂北戒為胡門南戒為越門
河源自北紀之首循雍州北徼達華陰而與地絡相
會並行而東至太行之曲分而東流與涇渭濟瀆相
為表裏謂之北河江源自南紀之首循梁州南徼達
華陽而與地絡相會並行而東及荆山之陽分而東
漢水淮瀆相為表裏謂之南河故於天象則弘
農分陝為兩河之會五服諸侯在焉自陝而西為秦
北紀山河之曲為晉代南紀山河之曲為巴蜀皆
險用武之國也自陝而東為成周宋鄭陳蔡邲衛
隨皆四戰用文之國也北紀之東至北河之北為

邢趙南紀之東至南河之南為荆楚自北河下流為
三齊北燕自南河下流為鄒魯吳越皆負海之國貨
殖之所阜也自河源循塞垣北東及海為戎狄自江
源循嶺徼南東及海為蠻越觀兩河之象與雲漢之
所始終而分野可知矣自南正達於西正得雲漢升
氣為山河上流自北正達于東正得雲漢降氣為山
河下流陬訾在雲漢升降中居水行正位故其分野
當中州河濟間星紀得雲漢下流百川歸焉析木為
雲漢末派山河極焉斗杓謂之外廷以治外故鶉尾
為南方負海之國斗魁謂之會府以治內故陬訾為

中州四戰之國其餘列舍在雲漢之陰者八為負
 之國在雲漢之陽者四為四戰之國降婁元枵負東
 海歲星位焉星紀鶉尾負南海熒惑位焉鶉首實
 負西海太白位焉太梁析木負北海辰星位焉鶉
 大火壽星彘韋為中州鎮星位焉以七宿之中分
 象中位自上元之首以度數紀之而著其分野其
 縣雖改隸不同但據山河以分爾七國其石分十
 分野張衡蔡邕
 史記正義南河北河三星分夾東井南河
 南戒一曰陽門亦曰越門北河為北戒一曰陰門亦
 曰胡門南戒間三光之常道也朝鮮之拔星第于

山州

界

禹貢正義地理志云禹貢北條荆山在馮翊懷
 德縣南南條荆山在南郡臨沮縣東北是舊有三條
 之說後漢天文志注星經曰歲星主泰山徐青兗
 州熒惑主霍山揚荆交州鎮星主嵩高山豫州太白
 主華陰山涼雍益州辰星主常山冀幽并州玉衡九
 星主六十郡九州第一星主徐凡五郡二主益凡七
 郡三主冀八郡四主荆五郡五主兗八郡六主揚六
 郡七主豫五郡八主幽八郡九主并八郡周禮保
 章氏疏春秋緯文耀鉤云布度定記分州繫象華岐
 以龍門積石至三危之野雍州屬魁星太行以東至

嘉靖一卯年

五年六月

七

碣石王屋砥柱冀州屬樞星三河雷澤東至海岱以
 北兖州青州屬機星蒙山以東至南江會稽震澤徐
 揚之州屬權星大別以東至雷澤九江荊州屬衡星
 荆山西南至岷山北嶇鳥鼠梁州屬開星外方熊耳
 以至泗水陪尾豫州屬搖星此九州屬北斗星有七
 州有九但兖青徐揚并屬二州故七星主九州也
 李吉甫郡縣志序天漢訥而兩戒分南宮正而五均
 叙 崇文總目開元分野圖一卷

唐天下水泉

六典水部掌天下川瀆陂池之政令以導達溝洫堰

山川

決河渠凡天下水泉三億三萬三千五百五十有九
 其在遐荒絕域殆不可得而知矣其江河自西極達
 于東溟中國之大川也其餘百三十有五為中川
 灤灤水滹滹水潞潞水泗泗水沂沂水濟濟水漳漳水淇淇水淮淮水漢漢水
 小川灤水灤灤水滹滹水潞潞水泗泗水沂沂水濟濟水漳漳水淇淇水淮淮水漢漢水
 皆亘達方域通濟舳舻徒有之無利於生人凡水有
 溉灌者礧磴不得與爭其利仲春通溝瀆立隄防孟
 冬而畢凡用水自下始舊史同

唐駐蹕山

見紀功類 敬播從太宗伐高麗而帝名所戰山為

駐蹕猶謂人曰鑿與不復東矣所以名蓋天意也其
後果然

呂氏春秋九山會稽太山王屋首山太華岐山太行

羊腸孟門六川河水赤水遼水黑水江水淮水

海經五藏山經五篇大凡一萬五千五百三字

書注尸佼作書二十篇一篇言九州險阻水泉所起

十九篇陳道唐吳均天柱觀記太史公稱太荒之

內名山五千其在中國有五岳作鎮羅浮括蒼黃十

山為之佐命其餘不可詳載

鄭樵曰州縣之設有時而更山川之形千古不易所

以禹貢分州必以山川定經界使兗州可移而濟河

之充不能移使梁州可遷而華陽黑水之梁州不能

遷是故禹貢為萬世不易之書後之為史者主於州

縣故州縣移易而其書遂廢矣

戶口

民數為國之本庶事所自出以分田里今貢賦造器用制祿食起田役作軍旅國以建典家以立度五禮用條九刑用措今之為政戶口漏於國版夫家脫於聯伍姦心生而偽端作嚴刑峻令不能

救

禹民口 周民口

後郡國志注帝王世紀禹平水土為九州民口千三百五十五萬三千九百二十三人周公相成王致治刑錯民口千三百七十一萬四千九百二十三人多禹十六萬一千人周之極盛也地十倍而民居其一耗東遷三十餘載至齊威公二年周莊王十三年五千里內非天王之御自世子公侯以下至於庶民凡下一百八十四萬七千人定受田者九百萬四千人至于戰國蘇張計秦及山東六國戎卒尚踰五百餘

嘉靖庚戌年

萬推民口數當千餘萬通典同

周民數

禮天官小宰聽閭里以版圖謂之司書掌邦中之版知田野夫家之數地官大

司徒掌人民之數小司徒掌四郊都鄙夫家九比之

數頒北灋於六鄉大夫各登其鄉之衆寡以歲時入

其數均土地稽人民周知其數三年大比鄉師以國

比之灋稽夫家衆寡鄉大夫以歲時登其夫家之衆

寡以歲時入其書閭師掌國中及四郊之人民之數

以任其力縣師辨夫家人民田萊之數媒氏男女成

名以上書年月日名春官天府祭天之司民獻民

數則受而燕之夏官大司馬簡稽鄉民以用邦國

簡比數之司士周知邦國都家縣鄙之數職方氏辨

人民財用九穀之數要秋官小司寇大比登民數

自生齒以上登天府孟冬祀司民獻民數于王王拜

受之以圖國用進退之鄉士遂士縣士各掌其民數

而糾戒令司民登萬民之數自生齒以上皆書於版

三年大比以詔司寇孟冬祀司民之日獻數于王王

拜受之登于天府內史司會冢宰貳之小行人萬民

利害為一書康樂和親安平為一書禮記內則子

生三月父名之宰書而藏之告閭史閭史書為二其

一藏閭府一獻州史州史獻州伯州伯命藏州府

管子太史既布憲入籍于太府周語宣王三十九

年料民太原仲山父曰王治農于籍接于農隙耨穫

亦於籍彌於既烝狩於畢時是皆習民數者也

漢高紀五年五月詔民相聚保山澤不書名數注名

數謂戶籍也石慶傳元封四年關東流民二百萬

口無名數者四十萬注師古曰名數若今戶籍孔

霸傳子福還名數于魯

漢提封戶口

見墾田

郡國志注

晉志通典頗不同注為一作

帝王世記曰孝

文景與民休息民衆大增至于孝平元始二年民

戶千三百一作二百二十三萬三千六百一十二一作六

口五千九百一十九萬一作五十九萬四千九百七十八人

多周成王四千五百四十八萬五十五人漢之極盛

也光武中元二年民戶四百二十七萬千六百三十

四口二千一百萬七千八百二十人迄于孝和民戶

滋殖至孝威頗增於前永壽二年晉志云戶千六百

七萬九百六一作九百六十九口五千六萬一作五千六千

八百五十六人魏景元四年與蜀通計民戶九十四

萬三千四百二十三口五百三十七萬二千八百九十一人又案正始五年吳所領兵戶凡十三萬二千其民數不能多蜀矣昔漢永和五年南陽戶五十餘萬汝南戶四十餘萬方之於今三帝鼎足不踰郡自禹至今二千餘載六代損益備於茲焉志云至于孝順民戶九百六十九萬八千六百三十四千九百一十五萬二千二百二十注應劭漢官儀曰永和戶至千七十八萬口五千三百八十六萬九千五百八十八又帝王世紀永嘉二年戶則多九十七萬八千七百七十一口七百二十一萬六千六百三十

六未詳孰是伏無忌所記每帝最戶口及墾田大數光武中元二年戶四百二十七萬九千六百三十四口二千一百萬七千八百二十明帝永平十八年戶五百八十六萬五千七百三十三口三千四百一十二萬五千二十一章帝章和二年戶七百四十五萬六千七百八十四口四千三百三十五萬六千三百六十七和帝永興元年戶九百二十三萬七千一百十二口五千三百二十五萬六千二百二十九安帝延光四年戶九百六十四萬七千八百三十八口四千八百六十九萬七百八十九順帝建康元年戶九百九

上嘉靖乙卯年

三每歲三

十四

十四萬六千九百十九口四千九百七十三萬五百五十

循吏傳王成為膠東相流民自占八萬餘口師古曰謂自隱

度其戶口而著名籍也黃霸為潁川大守戶口歲增元帝紀

建昭二年三月戶十二萬為大郡陳平傳高帝顧

問御史曲逆戶口幾何對曰始秦時三萬餘戶間者

兵數起多亡匿今見五千戶隋志漢平帝戶一千

二十三萬

漢戶籍

禮司會注版戶籍也疏漢之戶籍皆以版書之宮

戶口

伯注鄭司農云今時鄉戶籍謂之戶版漢高紀

名數謂戶籍也石慶傳注名數若今戶籍仲

統傳明版籍以相數閱審什伍以相連持

秦獻公十年初為戶籍相伍始皇十六年初令男子

書晉戶口

晉志劉備章武元年戶二十萬口九十萬孫權赤烏

五年戶五十二萬三千口二百四十萬通典魏平

萬口九十四萬時魏氏惟有戶六十六萬三千四百

武太康元年平吳叔其圖籍戶五十二萬二千八百

大凡戶二百四十五萬九千八百四十四口一千六百

一十六萬三千八百六十三此晉之一極盛也傳咸傳上書

曰禹分九州今之刺史幾向一倍戶口比漢十分

一而置郡縣更多咸寧五年哀帝紀興寧二年

月庚戌朔大閱戶人嚴法禁稱為庚戌制宋書

郡志以太康元康定戶互考隋志晉太康之後

軌方同編戶二百六十餘萬魏志注案晉太康

年地記晉戶有三百七十萬吳蜀戶不能居半太

平御覽晉令曰郡國諸戶口黃籍籍皆用一尺二十

禮已在官役者載名隋經籍志地理類元康六年

戶口簿記三卷

通典宋孝武大明八年戶九十萬六千八百七十口

四百六十八萬五千五百一陳氏威力所加不出荆

揚之域州有四十二郡唯一百九縣四百三十八戶

六十萬後齊戶三百三萬隋大業二年志云戶八百

九十萬七千五百三一作十六口四千六百一萬九

千九百五十六隋氏之盛極於此隋志南史荆揚

二州戶口居江南之半江左以來揚州為根本委荆

州以閩外隋書大業五年諸郡計帳進丁二十四

萬三千新附口六十四萬一千五百

南齊書太祖命黃門郎虞玩之等檢定黃籍建元二年

嘉靖庚戌年

臣曰黃籍民之大紀國之治端虞玩之上表曰元嘉中光祿大夫傅隆年出七十猶手自書籍躬加隱校

後魏書太和十年二月甲戌初立黨里鄰三長定

民戶籍蘇綽傳綽始制文案程式朱出墨入及計

帳戶籍之法

唐開元戶部帳 戶籍科品 州縣籍

通監開元十四年五月癸卯戶部奏今歲戶七百六

萬九千五百六十五口四千一百四十一萬九千七

百一十二十六年十二月是歲制戶籍三歲一定分

為九等會要十八年十一月敕戶籍三年一造鄉別

造籍今州縣長官錄事參軍勘覆為兩本送戶部

德令三萬戶已上為上州五千戶以二萬上縣壘

戶口定州縣等第永徽 地理志開元二十八年戶

部帳戶八百四十一萬二千八百七十一口四千八

百一十四萬三千六百九詳見采訪使 會要武德

六年三月令天下戶量資產定為二等九年三月二

十四日詔為九等永徽五年二月八日敕二年一定

戶正元四年正月詔兩稅審定等第三年一定為當

式定戶等第武德六年三月令每歲一造帳三年一

造籍儀鳳二年二月二十四日敕裝潢省籍及州縣

籍天寶三載二月二十五日制天下籍造四本京師

東京尚書省戶部各貯一本十二載正月十二日敕

...

東京停籍帳大中九年閏四月以州縣差役不均每縣作差科簿送刺史書訖鎖於令廳
李僑上表曰天下流散非一宜令御史督察設禁令以防之垂恩德以撫之施權衡以御之為制限以一之逃戶建中元年十二月定天下兩稅戶凡三百八十萬五千七十六戶口數
正元三年五月詔諸州戶口減耗三分去二亦合省官元和二年十二月李吉甫等撰元和國計簿十卷見定戶二百四十四萬二千五百五十四十五道七十一州不申戶口數
六典天下之戶定為九等定戶以仲年造籍以

季年州縣籍留五比省籍留九比
列傳楊瑒為戶部侍郎元宗嘗召宰相大臣天下戶版延英殿瑒言利病尤詳
崔瓘為澧州刺史增戶數萬詔進五階以寵異政
楊炎為相初定令有租賦庸調法自開元承平久不為版籍而戶部歲以空文上之天寶中王鉷為戶口使以籍存而丁不在乃按舊籍除當免者積三十年責其租庸炎疾其敝請為兩稅法戶無主客以見居為簿人無丁中以貧富為差歲終以戶賦增失進退長吏天下利之版籍不造而得其虛實
李方元為池州刺史鉤檢

戶籍差量徭賦皆有科品條章吏不得私常曰沈約年八十手寫簿書蓋為此云

唐歷代戶口數

會要正觀二十年太宗問民部侍郎盧承慶歷代戶口多少之數承慶敘夏殷迄周隋皆有依擬正觀戶口

二百永徽三年七月二十二日丁丑通鑑云上問戶部尚書高履行去年進戶多少奏進戶一十五萬因

問隋有幾戶奏隋開皇中戶八百七十萬今戶三百八十萬永徽去大業三年顯慶二年十月上

幸許汝州問中書令杜正倫曰隋有幾戶奏如前開

元九年正月二十八日御史宇文融請檢察逃戶二

月乙酉詔作招攜法丁亥融充使奏置勸農判官長

安尉裴寬等二十九人並攝御史分往天下檢責田

疇招攜戶口皇甫景楊相如上疏以為煩擾不便寬

等使還得客戶八十餘萬田亦稱是十二年八月融

除中丞充安輯戶口使二十年戶七百八十六萬一

千二百三十六口四千五百四十三萬一千二百六

十五天寶元年戶八百三十四萬八千三百九十五

口四千五百三十一萬一千二百七十四載戶

八百九十一萬四千七百九口五千二百九十一萬

九千三百九此唐之極盛也

通典自武德初至天

寶未凡百三十八年可以比崇漢室而人戶纔比於

隋氏天寶中編戶九百餘萬肅宗乾元三年見到帳

至大曆中准有百三十萬戶建中初命黜陟使往諸

道按比戶口得去戶百八十餘萬客戶百三十餘萬

共三百二十萬六與凡天下之戶八百一萬八千

七百一十四千六百

開元二十年

二年數

建隆版籍 至道版籍式 天禧計帳

元年十月有司請據諸道版籍數升降天下縣望以

四千戶以上為望三千戶以上為緊二千戶以上為

上千戶以上為中不滿千戶為中下仍三年一責戶

戶口

口之籍別定升降從之凡縣望五十戶二十八萬一

千六百七十緊六十七戶二十二萬八千六百九十

三上縣八十九戶二十萬八千二百八十中縣一百

一十五戶一十七萬九千三十中下縣一百十戶五

萬九千七百七十總九十六萬七千五百五十三戶

此國初版籍之數也曾鞏曰大祖元年有州一百十

千三百五十三末年州二百九十七縣一千

八百六戶二百五十萬八千九百六十五

元年即建隆十月庚辰詔天下造版籍及戶帖戶鈔

詔曰蕭何入關先取圖書沈約為吏手寫簿書十二月初置形勢稅簿至道

元年六月己卯詔重造天下郡縣二稅戶口版籍放

嘉靖乙卯年

其式於天下景德二年五月度支判官黃世長請令三司歲較耗登以聞

興國二年閏七月丁巳有司上諸州所貢閏年圖故事天下貢地圖版籍以閏為限咸平五年四月壬午詔三司以天下戶口數置籍較定以聞景德四年七月丙寅實錄三司使丁謂言景德三年新收戶三十三萬二千九百九十八流移者四千一百五十總七百四十一萬七千五百七十七戶一千六百二十八萬二千四百十四口比咸平六年增五十五萬三千四百一十三戶三百萬二千二百十四口賦入總千三百七十三萬一

千二百二十九貫石四斤比咸平六年增三百四十六萬五千二百九十請以咸平六年戶口賦入為額歲校其數上史館從之祥符二年六月乙酉放招攜戶口旌賞條制天禧二年六月丙辰三司言每歲籍籍省九萬餘道三十四萬五千二百餘紙詔三司諸路計帳毋得增益以滋煩擾天聖元年十一月詔閏年所供實行版簿空文煩擾宜停之止以空行版簿催科明道二年十月庚子詔天下閏年造五等版簿先錄示之不實者聽民自言皇祐元年四月丁亥右司諫錢彥遠上勸農詔曰唐開元戶八百九十餘

萬而定墾田一千四百三十餘萬頃今國家戶七百三十餘萬而定墾田二百一十五萬餘頃逃廢之田不下三十萬頃是田疇不墾者多也宜置勸農司以墾田頃畝戶口陂塘山澤溝洫桑柘著籍歲終轉運考績之計之上言和納

編實戶形勢版簿

四年正月詔諸州置形勢版簿熙寧四年四月曾孝寬奏罷之此明寺以產稅錢均定免役錢併罷五等戶簿版簿今州縣版簿皆保甲簿也自以保甲代科而民如大困

寶元歷代戶數

寶元二年三月壬寅編脩院與三司上歷代天下戶數前漢千二百二十三萬三千六十二後漢千六百七萬七千九百六十魏九十四萬三千四百二十二晉二百四十五萬九千八百宋九十六萬六千八百七十後魏二百三十七萬五千三百六十八北齊三百三萬二千五百二十八後周三百五十萬隋八百九十萬七千五百三十六唐九百六萬九千一百五十四太祖朝二百五十萬八千九百六十五太宗朝三百五十七萬四千二百五十七真宗朝八百六十一

五萬九千七百九十九寶元元年一千二十一萬四千二百九十先是上御邇英閣讀正說養民篇見歷代戶口登耗之數顧謂侍臣曰今天下民籍幾何海詢對曰先帝所作蓋謂茶餼有節則戶口充羨賦歛無度則版籍衰減自五代之季生齒彫耗太祖受命而太宗真宗繼聖承桃休養百姓今天下戶口倍於前矣因詔三司及編脩院檢閱以聞至是上之是歲天下主戶六百四十七萬九千九百九十四百三十九萬九千九百五客戶三百七十六萬八千九百七十四口六百十九萬五千四百二英宗治平三年

二百九十一共七千二百二十一
 二千一百八十五 神宗元豐六年
 一萬一千七百十三口二千四百
 九千三百 哲宗元祐六年戶一千八百
 五千九百九十三口四千一百四十九萬二千
 一百一十一徽宗大觀二年戶增十二萬四千一百
 十三口十九萬二千四十六 高宗紹興三十二年
 戶一千一百三十三萬九千八百五十四口三千三百
 十一萬二千三百二十七 孝宗乾道元年戶一千
 一百七十萬五千六百六十二口二千五百十七萬

九千一百七十七
光宗紹熙元年戶一千二百三十五萬五千八百口二千八百五十萬二千五百八十八

嘉祐戶口

國史志天禧末天下戶六百三萬九千三百三十一
而客戶不預焉嘉祐八年合主客戶一千二百四十六萬二千三百六十一口二千六百四十二萬一千六百五十一
治平三年戶增四十五萬四千九百一十一
增二百六十七萬五百三十四開寶末天下戶至
道州戶四百三十三萬九千三百五十七客戶六千六百不預
民乾興初始立限田法自是數下詔督州縣長吏與

請運使議蠲死得以寬民力具祐中
前之法命三司議慶曆中下今京東
東裁損役人皇祐中韓維蔡襄論江南福建之弊
請行鄉戶五則之法襄請以產錢多少定得免
和甲命與三司置司參定因行五則法請益欲去民
疾苦置寬郵民力司遣使四出自是州縣力役多所
裁損凡省二萬三千六百二十二

鄉五家為比五比為閭四閭為族五族為黨五黨為
州五州為鄉遂五家為鄰五鄰為里四里為鄣五鄣

為鄙五鄙為縣五縣為遂軍五人為伍五伍為兩四
 兩為卒五卒為旅五旅為師五師為軍井牧九夫為
 井四井為邑四邑為丘四丘為甸四甸為縣四縣為
 都不有民而知其少所掌二十五家間新掌百
 家鄉師掌五百家鄉師掌二千五百家州師掌萬二
 千五百家鄉師遂大夫遂師遂士尚書大傳古者
 處師八家而為鄰三鄰而為朋三朋而為里五里而
 為邑十邑而為都十都而為師州十有二師為家不
 盈三口者不朋由命士以上不朋洛誥黃帝法鵠冠
 子五家為伍十伍為里四里為扁扁為之長十扁為

為其上為縣為郡 周書大聚云五戶為伍以首為
 長十夫為什以年為長王若欲來天下之民先設其
 利而民自至譬若冬日之陽夏日之陰不召而民自
 來 中論民數篇先王制六卿六遂之法所以維持
 其民也 陸贄曰古之王者設井田之法以安其業
 立五宗之制以綴其恩猶懼其未也又教之族墳墓
 教桑梓因人之志定人之居又督以出鄉遊墮之禁
 糾以版圖比閭之方 通典曰古之為理在周知人
 數乃均其事役周官有比閭族黨鄉遂之制維持其
 綱紀其人孟冬獻民數于王王拜受之其教之守之

如此其重也及理道乖方版圖脫漏人始為憂

縣

制家以之之國以之貧

周百縣

縣萬戶以上為令子國也千戶為長男國也
說文周制天子地方千里分為百縣縣有四郡故春秋傳曰上大夫受郡是也至秦初置三十六郡以置其縣史記正義引風俗通云同上陳氏曰周官有在鄉之縣有在遂之縣有采邑之縣有間田之縣

漢聞喜縣

志河東郡聞喜故曲沃秦改為左邑武帝元鼎六年行過更名

漢獲嘉縣

志河內郡獲嘉故汲之新中鄉武帝行過更名
本朝天聖四年以懷州獲嘉隸衛州

漢新豐縣

志京兆新豐秦曰驪邑高祖七年置應劭曰太上皇思東歸高祖改築城寺街里以象豐從豐民以實之故號新豐
潘岳西征賦摹寫舊豐製造新邑故杜

易置粉榆遷立街衢如一庭宇相襲注新編

漢破羗縣

志金城郡破羗縣神爵二年置

晉懷德縣

元帝紀太興三年七月丁亥詔先公武王先考恭王

臨君琅邪四十餘年惠澤加百姓遺愛結人情朕創

基江表兆庶宅心雖負子來琅邪國人近有千戶

此今立為懷德縣統丹揚郡優復之科一依漢氏

及南頓故事成帝賦

唐平陸縣

見銘類

唐明堂縣見明堂

會要京兆府萬年縣總章元年析置明堂縣以鄧

為今長安二年六月二日廢涇州鶉觚縣天寶元年

八月二十四日改為靈臺縣河南府河南縣垂拱二

年改為合宮縣神龍元年正月復舊紀總章元年

二月己卯分長安萬年置乾封明堂二縣分理於京

城之中

太平興國平晉縣

九域志建隆二年以太原府晉陽縣建平晉軍興

四年廢為平晉縣太原明初廢為州

太中祥符奉符縣

元年十月丁未法駕入乾封縣奉高宮辛亥享天於
園臺太祖太宗並配壬子祭地祇禪社首癸丑御朝
觀壇受朝賀大赦改乾封縣為奉符縣兗州
慶曆中范仲淹執政謂天下縣多故役蕃而民瘠首
廢河南府諸縣欲以次及他州當時以為非是未幾
悉復

風俗通用禮百里曰同所以獎王室協風俗尚書

大傳五里為邑春秋正義國一禮四甸為縣縣二十
十里周書作雜篇千里百縣六千里者為方百里者
百縣方百里則出車百乘晉有四十縣遺之四十乘
是縣別有百乘與作雜之言也

玉海卷第二十一



三
四
五

